

COLECCIÓN
XYZ

**LOÛOÿAÛAC NAM
CHEÛO'CHIGUÍ
TAQ NYOT'TA'A'**

Loğoyğac nam cheğo'chiguí taq nýot'ta'a'

COLECCIÓN
XYZ

**LOĞOÿAĞAC NAM
CHEĞO'CHIGUÍ
TAQ NÝOT'TA'A'**

Para la traducción a lenguas originarias de los materiales de la Editorial Mingeneros se respetaron los criterios acordados por lxs traductorxs y sus comunidades respecto del uso de determinadas palabras en idioma español para facilitar la comprensión del texto.

Ra qaiso'ogue' nam roq'she laqtac nache qaŷasaŷalec na Qom laqtaqá nache no'onataŷat ñe Editorial Minguenero nache qaŷ'uateque'á ram nache etec taq so nqataŷac ra qaŷo'ot cam ŷo'ot ca lerec ra qaŷso'ogue' taq cam neta'gue' nataqaen qaŷ'uateque'á ram yo'oqchiguí la'aqtaqá ram qaicá camye nache qaŷalecnaúo nam ro'oqshe nache ishet ra qaŷaŷatetec nam nerec.

Autoridades nacionales

Presidente de la Nación

Dr. Alberto Ángel Fernández

Vicepresidenta de la Nación

Dra. Cristina Fernández de Kirchner

Jefe de Gabinete de Ministrxs de la Nación

Lic. Santiago Andrés Cafiero

Ministra de las Mujeres, Géneros y Diversidad de la Nación

Ab. Elizabeth Gómez Alcorta

Secretaria Unidad Gabinete de Asesorxs

Lic. Lara González Carvajal

Directora General de Prensa y Comunicación

Mg. Andrea Mallimaci

Directora de Contenidos

Lic. Carolina Atencio

Nam uetalec

Naigui nam nerec	7
Nam ueta'guet na alpipi taq LGBTI+ na sonaqtá'á Argentina	8
Chegueô'chiguí saq'ena'á'	9
Nam naiguí na nalota'a na cheô'chiguí taq na nÿot'ta'á'	18
Qanauaġaġasheguem ye cheqa'gué: Taia'gué nÿot'taġac-cheqa'gué. Uaġaġá' ye cheqa'gué	26
Qaipa'ġaneguet, maġasonaġac taq na'atec qauemapi	29
Nam qaisaġalec taq na na'aqteguac ra qaiasaġalec	32
Chaqnaġaec, naco'nae nam añaġac, ño'onnataġanaġac, nca'aġaguenagac taq nven'nataġa qauem	36
Nÿamaġataġac taq nam nqolategá nam lo'oġoġaġac	44
Nÿot'ta'a lo'oġoġaġac ra egó' enauac. Nam taġa'gué na lo'oġoġaġac, lataġac ra chegoq'ta'agué (Ley N° 26.743) taq nam na'aqteguac na enauac	45
Nataġac ram nacheyé ra etec	48
Na'aqtaġaneguec nam cheqa'gué	55
Qanaloqchiguiñepí nauo'pí nÿot'ta'aepí	56
Nam paġaguenagac ca cheqa'gué, cam etec queer	58
Qaimeten na la'ae'té ralaġaeqá: na nache'ena'am ra cheqa'gué taq nÿot'ta'ae	62
Na no'oneguac na laiepi nam cheqa'gué taq na nÿot'ta'a ena'am ye qailotagui iaġasolec nampi políticas públicas. Qaimaġalec nam Estado	68
Pa'atec na'aqtec	70
Nam qaichoġota'gue	71

Ra qāyauo'ó ñe Ministerio de las mujeres, Géneros y diversidad de la Nación nache loğonec nam nloquiağac enauac som chaqa'gué so movimiento feministapí taq nam n̄yot'ta'a', taq ra nacheyé política ra naguí del Gobierno Nacional ra ñāyamağá'ñé na neré lalamağat nam n̄yot'ta'a'.

Nam nshiquiáğá na nquieğá taq na saishet ena'a' ra ishet ra qaitağayāğan ra ndoté' cam onolec, taq ra ishet ra he'nam ra qaipactegué' enauac nam político enauac na sonaqt'a. Taq ra ca qartağayāğac ra ená nquieğá iasoğogat na lo'ogoyāğac seyatena' ram na'aqteteguc l'llá ra eta'a'pí, nache nam políticas taq na ra qa'yo'ot ra ntelagá taq ra qanpoğoené ra qan'naequepegué'pí ra nachená na política taq ra qa'yo'ot ca pağaguenagac taq ra qāyachağan.

Ram qatağanağac tāya'gué ra qāyalağatec na ne'eneguec na enec na alpí taq na LGBTI+, taq ra qaitauaneguec na laguec ra n'uenaganağá ra ishet ra qanaralağatrec cam etec ra qaishetm taq yaqneq nam saishet ra e'ná' nam qāyayamatipiguiñí qala' iasoğogat nam chego'chiguiñepí.

Himmavec ra hinloquiağae nam qanquitağac cha'ye nam qaratağac ishet ra eta'a' qome nache uo'ó ca naigui l'loğoc qāyalecnağana'uá nam qancotatapíguí yo'oqchigui ndotapeguetpí na alpí taq nam LGBTI+.

Qalağayé sevoqtaequé na lma' ca ñichiguiñá, nache selaqaequé ca shenaqtapeguec senatağanaqaeque cam tāya'gué na na'aqtağanağac mashe yí. Cam ueta'á nache ishet ra qāyalağatec taq qano'onağat ca latağac ra ñauanağá', qanauachigui na nāya'nec nache ishet ra qaiviregué himmavec nam sonaqtalec país.

Ená ya'an na Editorial nachená na loğonec lcuen'natağá himmavec nam lvillağac, ntağayāğac taq na no'onatağanağat ra qai'uen ra qanayeguelec nam nqaec ra qanauağayāğasheguem nam Argentina pa'a'yo'ot ra saq'ena'a' ca shenaqtapeguec. Na l'llonağac taq na no'onatağanağat qāyayamağá'ñé ena'am na pağaguenatağanağac, ra qāya'aqtağanem ra yālağatec ra ilaequé na ncuen'natağá. Uo'ó ca chegoqtapigué na naloqneq ená qana'atağañigui na chegoq'chigui taq n̄yot'ta'a', nache ishet ra maeche hil'laequé ca latağac ra uo'ó ca yo'ot taq ra r'cuen'natağan, taq ra ya'añaqchet na ralağac qay'uen nache ishet ra ená sonaqt'a esá ra shenaqt'a' nache enauac taq himmavec.

Naigui nam nerec

Na mashe yâyamaqchiguiñe natağac n'uağayâğatesheguem no'oneguc esá, eta'apí taq nam nsotalá nam al'uá cha'yé qalotá nam hil'lota'guet nam nağat'é nache naloqtetec nam lcuen'natağá, nam n'natağanağac taq yamatağac. Ñem sello Editorial Mingeneros nacheñé ra pa'âyá'get nam ta'ya'gué taq, ra nacheyé ra na'añağac nache qouapegué' cha'yé auasateguet so 10 de diciembre 2019 ra qa'yalemaqtelec ra añağatağac nache ntauane' ñe Estado ueta'guet ca nvenağanağá saqayapequé nam alpí taq LGBTI+.

Soonatağalec ra ishet ra shenaqta' nae'tağá ra nyot'ta'á' nacheyé na enec taq na qana'ya'ñegué nache nam sonaqta'guet nacheyé ra esá himmavec na nağat'é. Qarasatağac ra qanauağayâğasheguem cam yo'oqchegue chego'chigui. Ra ishet qo'yasheguem, ra is'souecpí enauac nache qa'ya'añaqchet, nache nam enecpí nam alpí taq na LGBTI+ ishet ra napağa'lec ena'am na loo'onatağanağac nam política cha'ye nacheyé, ena'am na eta'á' na sapia'telec taq na nyot'ta'á' nache qara'té himmavec ra uo'ó cam nasatağacpí.

Savoq'ó cam qaraloq nec mpa'at'teguet ena'am so togoshec, qaivo'ó ca lamó naquiguisheguem qaramtá, onatağanağat qal'uo't'ta'á, ra qai'uen nache qal'uo't'ta'á, onatağanağat ra uo'ó ca ntağayâğac camachaqcá qai'uen qa'yalemaqtelec nam qai'uen nagui sonaqtaiquí taq iaveca'aguet ca ralağaec n'natağanağac. Sanağauó nache ram ta'ya'gué ra laquec taq qanauachigui na na'ya'nec enauac nataqaen avirağatec taq qanachet'talec na nconatağac.

Nam ta'ya'gué na qalaponá XYZ sematağanağañé ra etec ra qaimeten nam al'uá. Ra amqai'yağaná ra anqaleg'ó ra uo'ó cam arcuen'natağá taq auayatelec cam esá nache auacolec cam tate'uá qamachaqcá loğoyâğac ca chego'chigui nam nyot'ta'á'. Seuataqlec ram so'otaq ca ralağaec natağanağac ra uo'ó ca loq'nağanağac nache qanaloqteteguet nam natağac ye chego'chigui, na mağasoğonağac taq som ne'enağanağac, nam ntelağá, nam nquieğa ndotapeguet nam cheguego'chigui taq na lapá la'yepí.

Lasatağac na sonaqta'aguet napağaguená ram ro'onatağaná' taq na yalectauó yağañé, nache lleguec, ra pas'á ram qaicolecpi. Ram lo'onatağac ñe pa'ata'guet nache ñe'guela'uá nam esá nache ranağan nache na'yasheguempí ra qo'yerañé so togoshec llequiağac. So hl'goc ra nagui s'amaqtená' nache sanaq'sheguem na na'aga'té nache qailo'gué so l'looq'ó na nme'nağanağac Ra shenaqta'a' taq nacheyé ra sonaqtelec nache so'onatağanaq nagui na nağat'é.

Lara González Carvajal

Secretaria Unidad Gabinete de Asesorxs

Nam ueta'guet na alpipi taq LGBTI+ na sonaqtá'á Argentina

Sopí pa'atec vi'ipí, souaqpegue' nam qo'yaqnecpí nam sonaqtá'á nache navegueuopí nam yo'oq uat'to'ona'ana'gac nam enec nyot'ta'a' taq himmata'a' na sonaqtá'á. Na lerec ñe esá yalecnauó napí rala'gae'cpí ta'ga'ya'gac, raue'gan so yo'oqche'guí la'yepí taq so vichiguiñá so nta'ga'ya'gac ra qaita'ga'ya'piguí taq qano'na'gat ca ta'ya'gué nache himmavec ra qana'ya'ñegué.

Qalaq nagui, na'ta'gá nam ta'ya'guepí, nam sonaqtai'gui na'ga'tepi uo'ó na quita'gac yo'ch'guí taq qaica' ca enec, enauaque', na saq'ena'apí ra che'gue'go'ta'gué, ra ya'uectegá'pi ra ro'onata'gana'pí nache laguec. Nache ona'gae'c ra qanavi'quiche'guem ra seta'gaso'qte'gá' taq ra seta'gasó' nam "saq'ena'á' na che'gue'go'chigui'" taq ra hiv'vira'guet ram qanyeteté' qanloguiyé.

Nam shenaqte'gá saq yo'go'guet cha'yé lámó che'gue'go'chigui' ñem nalletañé, ñechañé ram nquie'gatec cam nco'nae cam lta'raec ca neta'á ra ya'lecta'igui' ca iallep'pí, alpípi taq LGBTI+, qanapa'ga'lec nam uau'chiguiñé taq qanayectape'guelec na la'yepí. Qanalo'ten cam lámó che'gue'gotapiguí, nache qa'ya'vo'ó cam lena'gat taq qai'uoma'equé ca qai'qolata'equé uao'chiguiñé nache qa'ya'va'ga'ñé qanoq'ta'ya'piguí ca nmeh'na'gana'gac rala'gae'c taq no'onata'gana'gatpí nache qa'ya'ya'ma'ga'ñé nache ishet ra qanayegué cam qaec ta'ya'gué na sonaqtá'á shenaqtá'á'.

Qai'uat'ton saishet ra shenaqtá'á', qa'ya'yaten ra che'etó taq etec ca qa'yata'ganegué, nache qomi'yacha'ganaló ra nache'yé taq ra saishet ra qaira'gan, ca'yé nachená na nalletañé na mashe ya'ya'maqchiguiñé sonaqtá'á nache ishet qanarala'gat. Egó', cha'yé qalaqa'á ra so'onata'ganaqtec enauac na na'agat'té.

Chegueô'chiguí saq'ena'á'

Nam saq'ena'á' chegueô'ta'gué nache na namağasoğonağac qaŷaŷamağa'ñé nam sonaqtá'a nache qaŷavo'ó ca qanaquieğatesheguem ra naco'ná'a sonaqtá'á', onatağanağac, natağac, nvenağanağá taq nam qanayetalec: ye "mağasoğanağac". Ñe llağatağae ñem mağasoğonağac n'yoqtec ra lmanağanağa nache pa'achequem taq uayá lcuen'natağá, qaŷasağalec nam nachaqná taq ca lamağasoğonağac ra enauac na sheğauapí taq cam ŷana'gué ca onolect'a'á' ra nconağat'theguem eye laŷepí.

Nam chegueô'chiguí nam saq'ena'á' eye:

- Yamatağac, cha'yé som uau'chiguiñé ŷamağatağac enauac nam nashe'la' 'pi.
- La'ğasoğonaguec, cha'yé ra ualec enauac nam alpipí taq na LGBTI+.
- Lqo'nağat, cha'yé naco'na'a nam n'ŷot'ta'a latağac ra saq'ena'á' taq ra ŷaŷamağa'ñé: nam ivenaequé, nam chegueô'chiguí taq nam chaqa'gué na lau'ó.

¿Cam etec ra uo'ó na saq'ena'á' na chegueô'chiguí?

- Erá nam alpipí taq na LGBTI+ ra saishet ra ŷalecta'uá ra uo'ó ca qanasachequé nam neta'á taq nam sonaqtalec paispí.
- Ená alpipí taq nam LGBTI+ saqoc ra qaicuen'nata' ra qaialecnağanauó nam no'onatec ra taqaen poctá' ram qaishetem qalağayé na ŷallep'pí ena'am na lo'onatec.
- Ram qaŷetegá nam ŷallep'pí nachená na ishet ra coletac nam nqaec, taq nam alpipí qoŷanec ra netañá nam lmá'.
- Ram qaŷauo'ó nam na'ağat, qoŷectá, qalca'ate'uá nam ŷallep'pí ŷaguec qalaq nam alpí taq LGBTI+ nache poctá.
- Nam ñaq'piolecpí chenatá ra ishet ra nachaqná natağacpí, noğot, na'ashağac taq na na'ashağantecpí n'ŷot'ta'apí raq chegueô'tagué.
- Nam no'onatağanağac taq ntaleağá qaipa'ağalec nam alpipí taq nam LGBTI+.
- Ram qaŷauo'ó nam ralağaec pağaguenağac qalcate'uá nam chegueô'tchiguí.
- Nam chalatağac taq nam yo'oqchigí lo'oğôŷağac nam alpipí taq na LGBTI+ ueta'á ra mağat'chağá cha'yé nache etec ra etec napí.

Sauoqo'ó ca le'erağá

Nam saq'ena'apí himmavec nam shegueğauapí ŷoğosa'aló nam ltağaŷağac taq n'ŷot'ta'a' nam ueta'á. Qoŷectegá na mağasoğonağac qaŷaŷatec ra ueta'á ra camachaqcá u'gué. Cha'yé qoŷetegá uo'ó ra ndotecpí ra taŷalec nam na'achic'ŷağac qalaq uo'ó na qaicá, nache na'alağá ra ŷalamağatchiguí na taŷasheguem ndotec taq nam sonaqtalec, nam ndotepeguec na latağac ra nacona'ap'pí nam shegueğauapí.

No'onataganaçac taq na saq'e'na'a'

Na no'onataqanaqá yo'oqtá na saq'e'na'a' nam raloqnaçatapeguelec, na llegue'uó nam qaiuetaequé ra qo'yoq'cheguemelec, ra ishet hivire'uá ra uó cam lo'onatec esá' (nache uó ra ishet ra qayauo' ca latá', cam yasaqte'uá, jubilariorio, seguro) taq nam la'ye'pí. Taqaen ra yo'oqtá ca yó'ot'tec namalpi' taq LGBTI+ ram lca'ate'uá nam yó'ot'tec na yallep'pí. Erá nataqaen yauo' cam lamaçasonaçac taq nacha'qná na'aqteguec ra qaisaqot nam alpipí taq na LGBTI+ nam yo'oq'chegui lo'onatac, qalaq nam lma' yauo' laguec ra qoianem na yallep'pí.

→ Yallecta'uá nam nmenaçanaçac onataçanaçac

Yallectapegueuó nam alpipí nam menaçanaqá no'onataçanaqá naiguí ra 49,2%, 21 lleguiñé nquiguiné ra qanaloqneguet na yallep'pí (Ministerio de Economía, 2020^a). Ena'am, uó nam yaloqnaçaná nam alpipí ra hiv'virapegué na napaçaguenaçac pa'asheguem (universitario), nache ueto'ót lapá ra yallectapegueuó, qalaq nam saishet ra ena'am nam secundario ra mashe (himmat qataq egueta'e).

Era l'lla, nam onataçanaçac saq'en ra qaicá nam alpipí nache yaguec nache saishet ra ena'am na yallep'pí. Nam alpipí qa'ñepí (ye 29 vi'í) nache nluetapeguelec ya qo'yoq'cheguemelec ra loquiaqá ra qaicá yó'ot'tac nache ye n'uenaçanaçac ra 23% (Ministerio de Economía 2020^a). Nach ra l'llá, nache nlleteguiñé ye neriguishet "Radiografía de la Sindicalización en Argentina" (Tomada-Scheleser-Maito, 2018) nam yallectapegueuó nam alpi' nam sindicato saqpoc, qa'ra l'llá nache qaicá ca yataqtá no'onegué taq ye la'ye'pí, saq'ena'a'.

Nam saq'ena'a' qo'yoçot'chiguiñí ram nate'ná' nam qailotepeguetpí. Qailoq'naçaná, nam alpipí taq na LGBTI+ nam uó na yá'apigui nachená na qalotá na nque'naçac taq ndo'oguet na saq'ena'a' ra shetaeque hinnoçone'uá na menaçanaçacqui' ra ro'onataçan cha'yé nam yapota'guet nven'nataçapí, taq nam na'aqtaçanaçac ra yaqalategá ra yallectauó qalaçayé yapitegá ra saq'ena'a'. Qalq nam nanet'tañé ñe Agencia Nacional de Discapacidad (ANDIS, 2020) nam himavec na sonaqtalec na alpipí ra uec ra saqnoelec ra mashe uó ca Certificado Único de Discapacidad (CUD) chaqnatá ye 9,9% nam ro'onataçatec qalaq nam yallep'pí nache 14,5% erá ra lyac, erá ra neta'. Eso so lleguec nam shegueçauapí himmelá', nam alpi' yachaçalec ye 0,9% ra qaitaça'yapigui cam qaichichiguiñá no'onatac ra qaisachigui ca namaçashec ra qal'lotegué, qalaq nam yallep'pí nache yachaçan ye 1,7%.

Nam uetapigui nam LGBTI+ taqtá yactec taq ueto'ót nam qa'ya'mateguelec. Nam na'aqtaçanaçac ñereguishet "La gesta del nombre propio" (Berkins, 2006) taq "Cumbia, copeteo y lágrimas" (Berkins, 2007), som uauchigui nataçanaçacyem ueta'a na Trans uañá ye La Matanza so 2012 ueta'guet ñe Inadi taq ñe Indec taq nam maletepí ram lapotega'pí nam qotoçopí. Mashe diez so vi'í so "La gesta del nombre propio" so 2017, nateteguetspí erá naloqnelec ye 80% nam ra uó nam Travestipí, transpí ra eco' ñaq

quetalec ra himmen na lo'oc taq nachaqná nam himmelec ra pa'ata'guet na yâyamaqchiguiñé. Ená nataġanaġac ye La matanza yecchiguiñá ra ocho nam diez ra yâyachoġot nam travestipí ra nachoġot ra esá ra lo'oġoŷaġac ra hil'lotaegue nam lo'onatec, ra hin'noġoteuá ra qainat'talec ra hin'noġote'uá nam lmenaġanaġac yâyamaqchiguiñé.

Enac ye lŷé, ye paġaguenāġac "Orgullo (PRIDE) en el trabajo. Un estudio sobre la discriminación en el trabajo por motivos de orientación sexual e identidad de género en Argentina", lo'onatac ñe Federacion Argentina de Lesbianas, Gays, Bisexuales y Trans (FALGBT) nam Organización Internacional del Trabajo (OIT) so 2015, ŷachaġan so lo'onatec naloq nec yo'oqchigui na uetapigui naLGBTI+ nam menaġanaġa onataġanaġa. Yem leriguishec naqa'ñé na ra uo'ó na nachaqná taq ra lqalaec ra uetapigui nam llequiaġac lo'onataġacpí:

- Nam qoŷetapeguec ra qaipet'tegá ra taŷaŷé na nŷot'ta'á' nam na'aqtaqá taq ra lataġac na lme'naġanaġac ra qanquiategá ra coletec nam neta'á himmavec taq nam no'onataġanaġa cam ua'gué.
- Nam alpipí lesbianas qainat'tecpí nache ŷectagá ra eco qanqoġolec ra lataġac nam lo'oġoŷaġac ra ueta'á ye lo'onataġanaġa. Ram yo'oqt'tá ra saq'taeguet na lo'oġoŷaġac ra aló esá nache qananomteguet ra lta'araec na nquiegá ra ueta'á na lo'onataġanaġa.
- Yem l'llá, nam ŷallep'pí gays na ŷateñé ra eco naman ra lo'oġoŷaġac nache ecó ŷaŷamaq'chiguiñé ra ueta'á yem menaġanaġa ontaġanaġa nache taŷa'gué ra nacheyé. Ralaġaecta'aguet, yem nachaqná na'aqteguec qanasoq'ta'á ra saishet qaŷasateguet yem na'aqteguec so ialé ra ŷo'ot ca "lo'onatec so aló" qaŷaloqnaġaná ra ntelaġá nataqaen so maġasoġonaġac cam uañá ca lo'onataġanaġa.
- Nam qainat'tecpí ŷectagá nam nquiegá chegueġo'ta'ague qanataġañá nache qaillecnaú. Nache ishet ra qaŷaloqnaġaná som uau'chiguiñé n'nataġanaġac ra shetaique auo'onataġan qaŷauo'ó nam nrec ra an'noġoneuó ua'á nache am qainat ye ueta'á na anachalatġac, cam ar'uó' nataqaen ra uo'ó cam antauanaġauá nam shegueġauapí.
- "Nam lcuen'nataġá himmavec nam shegueġauapí LGBT qainat'tecpi, nache qaillec ra sa'laġaec na ŷoqolatec ra hin'noġoneuá' nam ontaġanaġac cha'yé nam shegueġauá trans", eyé ye napaġaguenāġac ra mashe ŷa'aġata'gué ra qaiquelocau ec qaŷauaġañé ye lma', ra qaŷo'orauec ñe paġaguenāġaqui taq cam ua'gué ra qaitaġaŷepigui, ra qalotá nam shegueġauapí trans ra ŷachetec ra nacona'pí nache saqaichoġoren nache talec na llegec na nachalaġac.

→ Ua'gue ra ro'onataġan

Nam himme'guet nam alpipí nacheyé ra n'ualaġaené na nŷec ra qaisheten: yem ŷo'oqtá ye 16,5% nam enauac ra uo'ó ca lo'onatac nam alpipí ra himmelá' taq ye 21,5% na

mashe qaishetec (Ministerio de Economía, 2020^a). Nache ye yo'qchiguí na laÿepí onataâanaâepí nache sainoôteuá ye mache enec nache taqaen cam l'uenâanaâá cam neta'á.

Ena'am ye onatac uañá ca nyec amqaisheten, uo'ó nam qanapaâaguetegá qalotá nam alpí, ecó nataqaen naco'nae na paâaguenaâac taq na tan'naâanaâaec (qoÿeccheguí na enfermería). Ra qaisaâalec nam nam laÿepí, ram 4 ca alpí chegueqaiquí ca 10 ra quetalec na ontaqanaqá nache qaÿaloqnaâaná ye qaÿamaâalec ye ueta'á nyec ra hi'lo'gué nte'lá. Nam ue'guet na ÿallep'pí taq nyoqtec, nache qalotá cam ua'gué ca laÿepí nagueheguem qae'uaâaÿaâaneguet na nachaqná onatec, na nachaqná nauaâaÿaâasheguem taq na energía (Ministerio de Economía, 2020a).

Qalaq so laÿé, som nerc "Cumbia, copeteo y lágrima" so 2007 lerec himmetac na lo'oc nache ecó nacheyé ra raueâatepigué nam travestipí taq nam trans nache nqueigataec: "Erapí ra ueto'ot na nyoqtec onataâanaâac eyé 14,8% na qainat'tecpí taq qaÿaÿamaâa'ñé ye onatac eye peluquería, tetaâanaâaquí, depilación na taÿa'gué nqoñoôgot'tañepí. Pa'atec, ye 3,1% ra ÿachoôgot ra hicotapeguet ca l'llá ra qaishetec (vichiguiñá na taÿa'gué na sonaqtá'á ena'am na soche qoÿanec taq ca hicotapeguet na l'uá) taq eyé 1,2% ncaltauec cha'yé nacheyé yem hicotapeguet nam l'uápi".

→ Catá ca laueguet

Na qaishetec na alpí esó, ecó' poctá, 29% nache qapio'lé saishet ra ena'am ra qaisheten na ÿallep'pí. Nache Ita'araec ra qanaloqneguet ena'am na ontaâanaâaec eco saishet ra ÿaÿamaqchiguiñé, nache hi'viregué eyé 35,6% (Ministerio de Economía, 2020^a). Enam himmel'a', ra uo'ó na 100 peso nache raueâanec eco ena'am so ialé, qalaq na aló nache 75 pesos (INDEC; 2020).

Qalaq nam LGBTI+, qaicá cam qanapaâaguená cheta'gué nam sonaqtá'á ra uetalec nerc ra qoÿoqotá ra qaishetec ram chegue'qaegué ra ecó nyô't'ta'ápi. Nache egá' nache som nerc qaimata'á' ra ñe Organización internacional del Trabajo (OIT) "Eta'á' na onataâanaâac: Ye qaiquic'tapegué'ua' nache saqaÿaloqtá'á ra qaisateguet" (2011) nalletañé nam nqueigá nache hiv'virot ra hicoôoâan ra qoÿoqteguet ca nashevé namayepí hiv'vita ye 3 taq ye 30% entauaac nam onataâanaâaecpí ena LGBTI+ taq sopí laiepi ra mashe ÿaÿatetecpí ra heterosexuales.

→ Lmá' lapó' chañé / Techo de cristal

Qaeviragué na vichiguiñá na nasataâac nam ua'gué saqaeshen era ecó' nachaâanatec nache jectá' ra lqui'ic nam alpí. Nam napaâanaâat na choôora'nataâac (ena'am na na'aqtecpí) nalletañé na ra saishet hivire'ua' ye nqa'ñé cam etec ca qoÿanem lauequé/raueâan, tategapí, na laÿepí. Ndotec na 5% na alpí ra ro'onataâatecpí himma'guet qaÿasaâalec ra hi'lo'gue na Dirección taqaen na Jefatura, qaq' nam ÿallep'pí nache napacalec (INDEC, 2020). Qaq' nam LGBTI+ qalaqaec ra hiv'virá ra

noqchetasheguem ra uóó ca qaipağaneguet ye taguí ecó' qaiquelocauec ra eco uasuelec ye no'otağac taq lo'ogoğagac ra chegueğota'gué.

Sanate'na'a' taq ra yalecte'uá na ontac lliquiağac

Nam llegeuo nam alpí na política eco' yáañaqchet so nloquiağac chegueğota'guí so nasheguempí ra eco yáyaq'chet taq yauo'ó ra yáañé taq qoyenñé na enecpí, (ra nallet nam alpí, lañolec taq nalotec) nache qaýasoqot ye esá llegeuó cam uañá ca taýa'gué taq ra yalegue'uá. Qalağayé, so nquictauec nam alpí ra ueta'á ra qoyocheguemec ca ueta'á, ñaq sağanağa ra hiv'virasheguemec ra eta'á' nam chegueğochigui nam uañá na legislativo anataqaen ra uóó ca qaýasağalec na yo'ochigui.

Nam qaiqolategá ra qaiví' ra eta'apí egó' nalletañé ye ua'auchigui nam na'aqteguempí ra chegueğochetapigui nache qaequelocauec nam alpí nam uá'gué ra nasatağac egó' qaýa'añaqchet na yallep'pí cha'yé qoyetegá qaica ca lo'ó taq sanaló'gueta nachaqná, yaguec na ntonağac egó' nam llequiağac saqaloc ra llegec ra uóó ca qoyanañá ra naqañé som n'naeğauá iallep'pí. Nache erá, ra ltağayagac nam alpí nam uá'gué nachağatec nache qaýapo'guet, tacheğuiñá taq qaýayamağa'ñé.

Nam lletağac legislativas de 2017, ñe Cámara de Diputadxs naeguí so qoyanesheguem ye 106 alpí, erá 41,2% ra himmavec. Nache naloq nec ena'am ye ueta'á ñe Senado, uañá nam alpí nalotecpí nacha'lec ra 40,3% ra himmavec. Nache na provinciapi, ra yalectapegueuó na parlamentaria nache hivita na 24%, qalaq nataqaen uóó nam provinciapi qaica ca yalectauó nataqaen salamae' na alpí hime'eguet ñe nasoğonalá' (Ministerio del Interior, 2020).

Ra qanachağanec na yalectauopí nquictauecpí taq qanalletañé nmayépi organizacionpí taq na agrupacionpí femenistapí taq LGBTI+ ra mashe loğonec na enec ra natqaen ra mashe yáayamağa'ñé nam etapeguec ra qaýauo'ó ra eta'apí na ralağaec nam queta' na política nam nta'alpí na ueta'á ye municipales, provinciapi taq nacional. Natqaen ra qanaralağat na legislación, ena l'llá ra qoyanağanağasheguem taq qaýañaqchet ye nañá ca hil'lo'gué nam chegueğochigui taq nyot'ta'a nam vivhiguiñapí taq nam qay'yoğolec nam nrec na política ra esá ra yanem na enec ra eco ishet ra uóó ca acheec ra qaýauat'tón nam l'loquiağac ra qaýaché nam nquevo'ğoc enam nqaecpí, nam sonaqtá'á taq na enauac ra yalletauopí.

Onağac ra ñachatağalec ram ña'aq'tağanağá qata' ra salegueğa'tauó nam política nataqaen ra sachağanaq na ra uóó ca onatağanağac ra qaýalağatec nam uá'gué qon'naqá', nam qailotapigui yo'ochigui yamağatağac chalatağac ena enauacpí nam sheğauapí nam sonaqtá'á. Onağaec ra yo'oqtá' taq qai'uat'ton napí ra yalectapegueuopí nam alpí taq LGBTI+ nam sonaqtá'á qarmá', na nquia'qá, ena mashe yáayamaqchiguiñé, nam pağaguenaqá naponaqá, naponaqá himmavec, taq nam lañepí. Enauac nam no'onatecpi cam uá'gué ca qaiasağañá nache qaeuen, cha'yé uóó ra saishet ra qaela'á.

Saq'ena'a' taq nam ntelağa

Nam qayme'eguetpi ntelağa nachená na qaý'otpi ra qanayeglec na ná'agğa'té cha'yé nqalağat'tepeguec taq nte'lá nam enauacpi. Nam laloq nec na añağac taq na ncuen'natağá ra ntelağa n'noğoshec, nsoğop'pi, sheğauapí ra ñaq'etá ra ialağaguet can neto'ot, nam onatec hil'lotegué' nam n'hiec taq hiyaquetec, rshe'nağaná nam nallec, ntelağa chalatağac, ýamağatağac, taq nam nachaqná ntelağa na chalatağac, talec ra lta'araec nachaqná na alpipí taq na LGBTI+.

Nam saq'ena'a' laguec taq na ýamağatağac enauac na ntelağa, nachená na qaelotağui ye cheguego'chigui enauac, nataqaen ye qaishetenec namayé taq na lachoğoyec nam alpipí. Nam alpipí taq na lleqiağac na LGBTI+ ra qaiñoğot ra mashe ýa'an'ñé ra onağaec ra qanayeguelec ra onatağanağac ntelağa ra eco' qanasoq'taá nam político taq económico ra ýanaigui raq'en na organización social ra ntelağa eco' nacheñé ra lquiyaq'té ra saq'ena'a' cha'ye qaelotağui ye chegochigui lo'ogoyagac. Ená saq'ena'a' eco' nache "ectec" nam telağa ra nlağatecpi ra qaialemaqtalec yemayé Estado, nam empresas taq nam nau'pi.

Nam ntelağa nachená na qai'uen na onatağanaqá' sae'uen ra qaisheten, cha'ye qai'uen ra laguec na chalatağac napí sheğauapí, na n'venağanağá ishet ra qay'uat'ton taq qaimit ra laguec ra saishet ra qai'ot'tec qaýaýamağatchiguiñé nam sonaqtá'a'.

- Nam alpipí lapaqteñé ye 76% nam himmelec na lo'onataqa' na n'hiecpí saishet ra qaisheten. Ram himmelec naloq nec ra 6,4 horas laloq nec na ná'agğa'té. Qalaq ye 57,9 nam ýallep'pi ýalecta'ua' ra lo'onatec taq himme'guet 3,4 horas ra ná'agğa'té nam ýo'ot'tac (Ministerio de Economía, 2020b). Esó 3 horas ra egó' som alpipí ra ýaqchet'tecpi, ra nteltağá taq ýo'ot'tac nam nachaqná nam nyec nache ra naigui 51,7 na ná'ğat'té nam vi'í ra uetec na nachalatağac.
- Nam ueta'á nam ñaqpiolecpí lta'araec nam qaicolec nam onatec ra qaisheten. Cam ua'gué ca nyec uo'ó cam ñoqolqá, nam alpipí ýaguec nam lo'onatec taq ltelaga, nataqaen ra mashe uo'ó ca ýacotapeguet ra qaisheten, qalaq ra qailoq'nağaná cam ialé ra qaica lo'onatec (Ministerio de Economía, 2020b).
- Ñem yo'oqchigui onatağanağac taq na ntelağa nam nyec saishet ra qaisheten qalağayé ñe Producto Bruto Interno¹ uetalec ye 16% nam immavec, napaquelec nam industria (13,2%) taq nam himmetec (13%). Qalaq ýaýamağañé yem naigui na lashevé namayé onatac, ra qaimetec namayepí nachená nam ýaguec ra uo'ó nam isheten nam economía nam Argentina (Ministerio de Economía, 2020b.)
- Qalaq nam LGBTI+, nataqaen ýalecteguet na namağasoğonağac ye ntelağa ra eco' saishet eco' qaiqueloca'guetpi nam lavo'pi taq ra eco' rque'etegá nam yo'oqchigui ntelağa yem neta'á lma' ýalecta'aguet ca laýepí.

¹ Nam naigui na lmenec taq nam lashevé (PBI) nache naloq nec ra uo'ó lmenec taq laveguec nam qaimetec nam sonaqtalec al'ua' (país).

Saq'ena'a' ra hin'noôte'uá nam al'uá

Enná Argentina, ñem la'aqtağanağac ñe Organización de las Naciones Unidas taŷalec ñe Alimentacion taq ñe Agricultura (FAO), ye 50% nam netalec ŷóot'tac na al'uá nache nachat'talec nam alpipí ra eco' nachaqná na ŷóot'tac. Qalağayé, nam alpi taq nam LGBTI+ saqai'uo'neguet ra hin'noğone'uá nam al'uá, nam etağat, taq nam yo'qchigui qaiqui'igui. Nam saq'ena'á' na cheğo'chigui ra qaishenem nam al'uá nache ena'am ra qaipact'tegué nam sheğauá ialé ra no'ona'guet, nam no'onaguet nam iallepí ra nam narenağac, ram lle'emağasoğoc nam iallep'pí nam lapaqteñé saqalshe'egué ra qaimetapeguez nam al'uá taq nam nmenağanağac na al'uá, nache nam alpipí taq nam LGBTI+ uetaqigui ra qaicá ca lpotec saishet ra ena'am na iallep'pí ra ialectapegueú.

Ená togoshec npağanağac, ñağatec som paeguet nam ialé, ŷauo'ó ca laloq nec na nvenağanağá taq nam lahiepí, nam políticos, sociales, taq na natağacpí.

“¿Amnamoôo'uá/Ñaq saâanaâá?”

“¿Anÿen qona'am sota'e alolé!”

“¿Am qano'onaâateguet nam noôotolec ra al'lapegué?”

“¿Cam laguí ra qomí' auachaâaneguet cam artaâaÿaâauá?”

“Ená na la'ashaâac na iallep'pi, ishet ra am na'aâat”

Ena'am ra soché na'aqteguéc onaâaec, ená na s'aâasoqtegá ra lapá taq uo'ó ra maiche s'oôonaâá nache sain'nomaâá. Qalayé, nae'taâá ra qapio'lec cam qanauaâaÿaâasheguem ra qai'uat'ta'á nam iallep'pí taq nam alpipí. Nam saq'ena'á' na cheôo'chiguí uo'ó nam na'aqteguéc qoÿoq'tec (ena'am nÿot'ta'á' nquieâá), nache ena'am ra ÿo'oqtec na na'aqtecpí ra mashe qainaÿa'guet nam na'aqteguéc na sonaqtá'á.

¿Negue'cá ca l'llá ra ÿoq'ttá nquieâá ra saq'ena'á' ra uo'ó ca cheôo'chiguí? ¿Cam l'llá ra taÿa'gué Lo'oôoÿaâac ra natené' nam cheôo'ta'agué na ÿaguec nam lchoôoyec nam enec?

Nÿot'ta'a, qaiquelocavec taq nquieğá iasoğat nam cheqa'gué

Nam na'aqtec sa'lağaec na saq'ena'a' na chegueqa'gué ecó' ýo'oqcheguí nam nquieğá qo'yetegá na chegueqa'gué, nache ecó' qa'yo'otec na'at'tañé ra qa'ylağaguet nam enec nam sheğauapí taq nam nsotauecpí lvenağanağá nam alpipí taq nam LGBTI+. Nam qoietegá nquieğá ishet ra ndo'oguet ca na'ýepí iasoğat na cheğo'chiguí ra iageuc chağañegué nache na'agat ra natenaguet nachaqná ueta'á na clase social, na lpa'a, ra uapiguí ra hiv'ven nam enec taq nam nachaqná.

Ram hivitchiguiñé napí nquieğa taq na saq'ena'a', nache, ishet ra nquieguisheguem ra qa'yo'oren na etec, nam cheqa'gué, la'amaqtağac, lañoqó', latağacó nam cheqa'gué, ta'ya'gué nam loğoyagac, samnoelecpi taq nam laguipí, ram eco ndotapeguet ra saqaila'á ra talec na enec taq, ra ecó', poc cam hiavaná ra esá ra talec nam ñe'eguenagac.

Na Ley ra napağatalec ýaleguet ra ntelağá, qanlağá/qanchen'nağanec taq qa'ypalağat na nquieğá nam alpi ená ua'ague qamachaqcá ra qan'noqchenağasheguem ram nacota'apí (N° 26.485) ýa'agat nam seis namayepí nquieğa qairotapeguelec nam alpipí, loğoyagac, psicológica, sexual, nvenağanağá, loğoyagac taq política. Ena'ampí ýa'an nam ocho na laleguepi nÿot'ta'á ra qa'yoğotegá nam nquieğá: nam namağashé na nÿec, na no'onatağanaqá, nquieğá ra andotec ram nquictavec na auquetapiguí, obstétrica, qa'yo'ottá, nquieğá na alpipí ra ueta'á nam ncon'naqá taq nquieğa ram quetagué nam política.

Nam nÿot'ta'a nquieğá taq nam leleguepi na nquieğá ecó' nlletañé nam nven'natağá taq na na'aqteguet queta'gué ra nquictavec ra qanapağaguetegá taq ra uo'ó na rtaq'tec/na'aqtecpí qaimeten ra ta'ayá'gué na cheğo'chigui taq ra nÿot'ta'aget. Ram etec'có, poc'tá nam mshe yo'oqtá ra no'onaguec. Qa'yalonağana, ra saqay'ýamağaren ra nlatağanağac ra qa'ýasağaequí nam qaimetec taq nam qa'yağatapoiguí ra himmavec qanağayagategá ra "ecó' qanaman" ram qailonağana nache egó' eso qanaman nlağayec ra uetagui na nquieğá. Qo'ýenec'rá', so nqaec ýaguec ra qo'yoqtec.

Nam naiguí na nalota'a na cheğochiguí taq na n̄yot'ta'a'

¿Negue'ná na cheğochiguí?

Ram uó cam ananel'lec ra ayoğolec, auasateguetpí na n'natağanağac nache so l'llá ra auoğoná ñe na'atağanağaquí na uó na qamchaqcá ua'gué nqon'naqá na achegueğochiguí nache ishet ra ec'' mashe auayaten: am aló/am ialé, enauac cam aegué. Qalaq ¿cal catá na yanaguí erá qomité'/enauac? ¿Taq cal catá' ra ena'am ra saleqta'a' nache setağasoqta'a' taq so'ogonağá nam nachaqná ua'gué ca onatağanaqá, pağaguenagaquí taq nam nqaec?

¿Nec naiguí ye na'aqtec género? Yem naiguí ra qanachağanec nache qağachağaná ra luecá taq ra qoyectegá na enauac ra qanağachichiguí ra ecó' qaeuat'taeque nam sheğauapí ra ñeguiñí nache mashe qaiağaten ra iale/aló mashe qoyanaguí nache qoyectegá ra ecó' qoyenapegá ra sağanaq'cá ca qoyanaguí: aló (loğoqté/lağagá) / ialé (namó) ena'am ialé. Nache naiguí ra'erá nache erá ra enauac ra chalatağac ena'am na onatağanağac, nam nvenağanağa, ram ueta'aguet na lağepí ena'am na lağepí cam ua'gué.

Nache nam cheğoqta'gué nache naiguí ra uó nam mashe lo'ogoyagac mashe yatañé ra ialé taq ra aló nache egó' mashe nchet'tá ra naectaegué, nam lauopí taq ca pağaguenagaquí. Nache himmata'a' nam nmallağacpí ram uó cam yo'ót taq ra yalecağuet nam na'añağac ra yağamağatchiguiñé na lme'nağanağac nam al'ua' sonaqtá'a', s'amaqtenaq ra uó cam qomí'yalectağuetá, taq ra cam etec ra ñanomaqteguet ra qomí' saqaivo'neguet cha'yé qomí' choğorá', natağacó taq nam políticas ra qailecta'aguet nam sheğauapí ra cam ua'gué ca uañá.

Ram naloq nec ra yataqta qanaloqten, eyé naigui na'aqtec cheğochiguí nache yo'oqtegue ra saq'ena'a' nam yağamağatipiguiñé na sonaqtá'a' taq ra ñağatec ra ualectá na togoshec no'onağuet na saqağamağaren ua'á nam lma', nam onağataqá', nam nqaec taq ram ua'gue ra ialecta'ua' na onta'a'. Ra mashe qoiasheguem nache naectaegué ra naloqtağanapec, qanoctağapiguí taq, soche qaicolec, nache qano'onağat. Cha'yé qalotá taq n̄yot'ta'a' na loğoyagac nache ishet ra saleğat'a'a'.

Cheğochiguí / Género

- Yanagatağanağaec: tachequí ra qainağa'guet na saq'ena'a' nam mağasonağac.
- Aualectapegueuó: naiguí ra anachağanaúo aualectapegueuó cam qoueta'a' qamachaqcá aualeguet.
- Lağaraec/ueğaraec: yaq'nağae/ec taq ishet ra qanauağayagashieguem nache'etae cam etec na qaicolec.

- No'onataġanaġaqui: nachená na nalletañé taq nquieġatec nam laŷepí sonaqtá'aguet (nauó', paġaguenaġaquí, n'uenáġanaġá).
- No'onataġanaqá/nate'na'á': na'aqtec n'yoqtec ra ecó' na'aġasontec ra qaŷauo'ó ra qoŷanaiguí nam enauac na sonaqtá'á, qaralamaġat, nañoġoqui, nam taŷa'gué na loġoŷaġac, nam lañoqó' taq nam laiepí.

Villağac taq ra qanoctaŷapiguí ra ŷalegá'pí nam naigui na cheğochiguí

Nam qanoctaŷapigui taq qanapağaguetagá na saqen'a'taq nam cheğoqta'gué saishet ra chata'gué. Nache'ha'yé ra qaicuenatá so Olympe de Gouges taq so "Declaración de los Derechos de la Mujer y la Ciudadanía" som 1791 som nmallağac nam enauac so nalletağac nam alpípí so mashe XIX. Som na'a', ralağaec ca aniguí nache qaiconot ra onağaec na qanapağaguená taq na qoŷanaiguí ra na'ağayâğañé ra ŷoğosa'á na natağac, político taq nam togoshec.

Simone de Beauvoir "El segundo sexo", 1949.

"Saishet ra soche amñeguiñé ra am aló: avitá ra nache am. Qaicá ca taŷa'gué na chalatağac, ra nqalağá canmayé lashevé nache naigui na lqui'í ra iapolec nam laiñegueshec nam sonaqtá'á na sheğau alpí; nache etá na laponağaquí na sheğaupí nachená na ŷo'ottac nam iallep'pí qalaq so qaicá ca lapotec nache qoŷanaigui ra ecó' quietegá alolé. Ram ndoteguet ra uo'ó cam qaitauanec ca nŷá nache ishet ra ecó' nataqaen ra nŷá taq l'llá. Qalaq ra am uo'ó nache am pa'iot, qa' so noğotolec iañoğot ra maeche uen'natağan ecó' cheğoqta'gué maeche n̄yot'tapeguelá'. Qalaq soua ialé' taq aló nam lo'oğoyâgac nam uautec nache qaitauan nam nachaqná, na no'oğonağat ram io'ot ra ŷaŷa'neguet nam al'uá, cha'yé ue'é naua lae'té, naua l'uağayé, nache saishet ra qaŷaloqnağaná ra ue'é ca loğoqté taq ra qaicá, nache egó' qaŷaŷaten na sonaqtá'á himmavec".

Joan Scott "El género: Una categoría útil para el análisis histórico", 1986.

"Nam cheğochiguí nachená na no'oğonağat na'achiguiñí ra ialeca'aguet nam sonaqtá'á ndotapeguet na qaiŷot'tapeguet na naloqnağanağat na loğoshetepí taq na cheğochiguí ra latağat'é uachiguiñé ra mashe iale'guet nam namağasonağac".



Julia Serano

“El privilegio cissexual”, 2007.

“Nam himmavec qomí’ shenaqtegá ra s’amaqtená’ ra nachená ra ñaloqtená na alpipí ta nam iallep’pí nachena qaro’onatec ualectá, himmavec nam sheğauapí ra ecó’ npot’tec ra na’ñé nauá dos naiguiló naloqnağanağac ram amqaipa’ğaneuec -iallep’pí taq alpipí- taq onolec cam rme’nağan ená naguí sonaqa’tá nache qoie’nac nam nachená lleguec. Qalağayé, eco’ nache saishet ra nachená. Ram ñeguec ra qalca’yépigui nam alpipí taq nam iallep’pí nache lleguec ra etá, nataqaen ra so’otaqtec ra sachaqlec namayé. Ram uo’ó cam sa’ya’amaq’ten cam etec, nache himmavec ra qa’yo’ot ca say’lauá’ ra iauat’ton camayé no’oneguec ra iala’á cam seğauá: nache eco sai’lauá’ ca etec. nache saishet ra nacheyetá’, qalaq’yé enauac qantoğonelec ra qoianaguí cam chagueqo’chiguí taq cam l’llá, nachaq’yé ra qoioq’tá cam neta’gué cam sheğauá l’llá ena’am, taq ra qapio’lec camayé yo’oqcheguí ra esá ra iaconá latağac. Nae’tağá ca qarcuen’natağá himmavec qo’mí’ nam qarme’nağanağac nchet’tec, nache nam, himmavec shenaqtec na saiaqa’gué cam etec ca sauoqtaequé qaralaqağat, taq ra soche sepetaq’tegá nam iallep’pé taq nam amp’pí ra ecó’ himmavec nam ra selaq’lec nam sheğauapi ra ñauanağae. Taq himmavec so’otaq, nae’tağá ra qomi’ cissexuales taq transexuales, ra qomi’ heteros taq ra qomi’ ishetree shenaqa’am na checná, nataqaen ra onolec bi-llete ra tres dólares”.



Mauro Cabral
“Si yo quisiera” (extracto), 2007.

“Hajá ra haiom shetec ra shetaeque salat ra haiom cheqavec nam sacheô'ta'gué, taq ra haiom shetaeque ra etec ram himmavec sauotec nam mashe ÿé taq na ra ishet ra him'maq. Ra ecó' ishet, ra taqaen ia'auamaqten, ra haiem saÿaten ra sauat'ton nataqaen ra saishet nam nataâac iaqa'á: ra no'on. Ra uo'ó ca la'aqtec ra qainomteguet ra nache haiom, qalaqyé nam ÿaqaqá na'ñé nache r'collichigui nam hit'taâaÿaâac ram qaiasateguet raq ra saishet ra nam colelec na sont'ta'á, ra saishet ram uo'ó ca nque'en, ñnam ara'aché!. Ndotec ra nmallaâac/na'aqtecpi ra quetaguí nam al'uá qaicá nqanaâateguet, ialé, nmetepeguelá', ialé.

Naloq nec. Cordobés añaâaec. Nache etec, naqná na'attañé. Saishet ra rpoqó. Saqñeguetaq. Himmavec ye'emaqtápí. Shemaqta', ye'emaqta na laÿepi. Ñe'emaâañepí nam sheâap'pí ra ÿavoten so Señor, taq haiom nataqaen, ÿaleguet nam laÿepí. Ra maische haiom ra shuecnapec nam sachoqta'agué nache qaicouae, nam ioc r'ÿaâatec, nam ñamataâac teteguet ra ecó' haiom ÿeguetaâatot na tan'naâae. Ishet naqtaqaen ra saishet trans taq ram sheâauá iale, shche iale, ialecta'aguet himmavec nam sheâauapi ialé. taq nam alpi ram netalec nam al'uá. Nache etec ra ishet, ra haiom sauo'ó. Qalaâaÿé saishet”.



Eleonor Faur
“Desafíos para la igualdad de género
en la Argentina”, 2008.

“Ye na'aqtec (género) cheğo'chigui qaÿauo'ó, choqchiyá', nache himmavec ra qaÿoğotegá enauac nam sonaqtá'á (...) ÿalect'teguet ra qanayectapeguelec ra qay'ÿot'tapegá na nuc noğo'té nam ueta'á na onatağanaqá', ram qaimenec na qay'uetaeque taq ra qay'ÿağalec na qoioqchequemec ra ialé taq na aló nam sonaqtá'á. Ra qanquieğatec, ra qanauağaÿağasheguem na natğacó taq ra laponá'pi nam cheğo'chigui coletapigue nam qay'ÿot'tapegá nam iallep'pi taq alpi ishet ra laguec pa'aÿaÿé na sonaqtá' ra enauac qomi'himata'á', nache ra ialectapeuc nam lauo', lo'onatac, cam nata'águé taq na política. Nache na, qoiatepigui na organización na sonaqtaiğui ra saleğa'ta'guet na cheğo'ta'gue qaicá ra qai'uo'ó ra nam qaÿo'on cam enec nam himmavec nam sheğaup'pí alpipí tan am iallep'pí”.

Saqana'ña'ñegue saqayetpí

→ N'ýt'atâgac = Chego'cheguí / Sexo = Género

N'ýt'atâgac: naiguí na lo'ôgo'ya'gac ra chego'ta'gué, nam lo'ôgo'ya'gac qaialo'na'ganá nam nata'gac ra eco' ue'e cauá (l'uarac-alolé /ialé-aló) ram qanaia'che'cheguí ram ñeguiñí taia'gué, ra ncael'tac, lo'ôgo'ya'gac. Qala'gayé, na qai'yot'tape'gá saishet ra tachiguiñá enam'am so yo'oq'cheguí napi she'gauapí ra uo'ó nam lo'ôgo'ya'gac n'ýt'ta'a.

Chego'cheguí: nache ná ra egó' nata'gac chaqa'gué ra mashe qai'auo'ó na loec ra, ca cheqa'gué cha'yé na nata'gac taia'gué cam ua'gué ua'ña'ua'gué. Nam sona'qta'á qana'na'ctae'gue' so to'goshec ua'au nata'gac ra ue'e came'yé: aló (laia'ya'gá) =alolé // ialé (namó) = l'uarac.

→ Cheqa'gué = Aló / Género = Mujer

Qana'sache'gué cheqa'gué ra aló alpilu'ec ra qai'ya'ya'ma'ga'ñé ra saqai'ala'galec ra ua'ga'yá' ñe naiguí ra cheqa'gué nache saqay'acha'gan ra ua'ga'yá' nache ye nama'gas'o'gona'gac souá ialé, so aló taq LGBTI+, cam ua'gué ca sona'qta'á nache qandota'peguet onole'cta'á taq nam laguipí cam etec ca n'ýt'ta'a nata'gac.

Qanauağaŷağasheguem ye cheqa'gué: Taia'gué ÿot'tağac-cheqa'gué. Uağaŷá' ye cheqa'gué

"Ye latağac nŷotağac-cheqa'gué nacheŷe ra tasa'guet nateteguet taq ra saia'naq nam femenistapí, cha'yé ra saishet ra qoŷoqtegué, ra qom' ñeguirinié ra alpí, yem na'aqteguet iecchigui ra qomi' alpí, nache naigui ra cheguego'ta'gué so togoshec, ra ego' lata'araec saqanaŷa'ñegué nam eta'ŷáe na lo'ogoŷağac taq nam enecpi".

Dora Barrancos (2004)

Togoshecpí, so pağaguenagac so cheqa'gué qailotagui so nque'nağac ra qailalec ca naloq nec ra uapeguelec cam qoietapeguec qaŷaŷamağañe na lapaqtiguiñe sonaqtá'a ra saŷa'naq nagui. Eso nasatağac nache ŷaŷamaqchiguiñe: ye taŷa'gué nŷotağac-cheqa'gué, nache, qanauağaŷağasheguem na sonaqtá'a natağac nache ie'etegué na ŷamatağac nache no'onağategué ra uağaŷá' ra enauequé ialé', alol taq LGBTI+, nache naigui taq na naloğoc ra saq'ena'a' na nolectá'a. So 1975, Gayle Rubin (1975) iañigui son uauchiguiñi ego' onolec lta'araec na'at'tañe ra cheqa'gué qaiqolat'tapigui nŷotağac ye no'onataganağac. "Ye latağac ra uağaŷá' nam sonaqtá'a nache qoianaegui na no'ogoŷağac nca'altauec nam taŷa'gué ra laguec nam uapegué' nam sheğauapi". Nache na ncuen'natağa qaŷe'guen qaŷachağan ra ená sanalo'guet ndotapeuet nam alpí taq na LGBTI+ cheqaigui ram uağaŷá' nam sonaqtá'a yo'oqchegui ra qaŷaŷamağa'ñe na latağac.

Napi uağaŷağac saishet ra esá qalağayé qaica ca hi'ue'lec, cha'yé niasheguem ra qaialağalec ra pa'ŷañéguet na qoiectegá, cheguegoqtapigui taq na nsheguenağanağacpi, ego' quetapigui ra saqaila'a nache saqay'uata'a ra loec alpiluecpi (ye'maqtapoc, uotağanaqae, yacnağae, me'nağanağae, choğoraqtá, sa'ra'añe, qaica ca naigui, taq qalotá nam laiepi), nam qanashetaeque luec nam 'uarac (añağac, sar'sallé, ŷa'nağanağaec, ialemaqtá, qoioqtá, qamachaqcá qoiene) taq ra ramayé nache himmavec ra ego' pa'ŷavec, na abyecto, na "santenegué", nam qaipa'ğanavec: napi natağacpiolec, na'aqtağaneguecpi taq na qoietapeguec saq'ena'a'pí taq na hilotaeq na cheqa'gué ra iachañá nam inqui'iec na lapaqteñe ra ue'e camayé².

Chego'ta'gue na qaŷotauá ŷotağac anatómica-fisilologica nache iaq nec na ltağaŷağac, naloğocpi, onataguecpi, me'nağanağacpi, enecpi taq na qaiogorenpi na sonaqtá'a ra ego' tachegué nam uetalec na uağaŷa'pí nam sheğauapi ra ŷaguec (taq

² Nam naigui saq'en no'ogoŷağac taq nam lle'guenağac nam no'ogoŷağac ra ialecta'aguet nam etapaeguec nam nloquiağac taq ra qaiuat'tonec ra mashe na'anñepí na LGBTI+ taq nam latağac ra maiche na'ağatteguelá'. Nam qaŷasağui "saq'eneguet" nmitaeque ra iachağan ñe cheguego'chigui na añağac nache iamaq nam cheqa'gue taq na lmanağanağa. Nache na ena'am nagui, ianasheguem ra egó' enapegá ra saŷalağaguet taq ra saqŷacnoguec na qoiectapigui ra na heterosexualidad ena'am na mashe na'anñe política, ŷo'totecpi iachağan nam laŷa'nec cam ua'gue taq ia'añaqchet nam sheğauá taq nam laiepi, nachená ra egó' na'at'tañe ra mashe natetá' cam ueto'ot cam nchaqnağac taq so nquieğa pa'atalec nam nachaqná (Flores, 2005; Saxe, 2018).

ÿacheguegotapigui) iachalec na lapa'ta'a taia'gué ra saishet ra qalapağá' nam qoietapeguec na sonaqtá'a ra cheqa'gué.

Nam iamağatağac ra na'aqteguec ra himmavec ra ua'gué ñichuiñá nache qanauacheguí ca n'ýá'pí (nam nauo', ñe pağaguenagaqui, onatağanaqá). Taq, ena'am nagui, ÿaÿamağañé nam latağac ra seme'naq nam al'ua', ncuen'hatağá, qai'uat'ton taq qaÿe'eguen na chalatağac. Ram taÿa'gué na natağac ra seuagaÿağá'guet senomaqtecguet ra ego' "qaicá ca etec" taq "himmata'a" ra hivitcheguiñí nache saqiasuelec: saq'ena'a' taq na nquié'ğá qamachaqcá ca "sanalo'ua'" cam etapeguec taq ye mashe ÿa'atañé.

Na saq'ena'a na cheğot'ta'gué, som ÿağatec taq nquiégatec nam sonaqtá'a nache nalec so qaitatalec ra uo'o ca ltağaÿağac ra qoiañiguiñá ra lmağasonağac nam iallep'pí nam alpi'pí taq napí LGBTI+. Nam sonaqtá'a nagui na'uo' ñaq'etá ra naÿamağatiguiñé uetectegá na mashe lapaqteñé, nache na l'uraec nache hipağañé na alpipi ego' alpiÿağac cheqa'gué ra uayá' na añağac taq ra qanaloqten ra uo'o cam lamaqtegueló taq cam laiepi'pí namashecpí enauac.

Iauat'tauec na qanotaŷapiguípi, ralağac nme'nağanağac ye nŷo'nağac taq cheğo'ta'gué

So Icuen'natağá Judith Butler, so lo'onatec "El género en disputa" (2018), ŷauoó so Icuen'natağá ra nacheŷé naigui ra ŷotağac taq cheğo'ta'gué ŷauatec nam ralağac qanoctaŷapiguí nache taŷa'gué ra mashe qaina'ŷac naua natağacó taq na latağacó ra qomí ŷañiguiló ra nache shenaqtéc:

"Ra qanasoguiñé ye nerek massheyé nqaen ŷotağac, qalağayé onatec qaŷa'cheguiñé "nŷotağac" nache nam tağacpí qanauağaŷağasheguem ye ego' cheğo'ta'gué; nache himmá su cheğo'ta'agué (...) Nache nam qoietapeguec ego' saishet ra qaŷaŷamağañé ra cheqa'gué ra qaŷaŷatetec na tağacó ra nŷotağac, ená nache ra mashe uo'ó ca uetaiguí qoianaguí cheğo'ta'gué. Nache saishet ra nacheŷé qailotaguí ra ego' nanet'tañé tağacó so ŷo'nağac nanet'tañé (ra naigui saqanaraalağat), nache taqaen ra ŷecchiguí ra qai'iotae'guá ra so qaiuo'ó nache etec ra nacheŷé lleguec na ŷotağacpí. Nache qandotapeguet, so cheqa'gué nache saishet ra tağacó yem ŷotağac nataqaen nache lleguec na tağaŷağac/tağacó nache somaye "nachaqná ŷotağac" nataqaen ra "ŷotağac nacheŷé" ñağatec taq ra lapağañé ra ego' 'ua'au na'aqteguet', chaqa'gué tağacó, ená uetalec na nloquiağac saqayqocha'á ca ueta'á nam tağacó ra noqchela".

Somayé cheqo'ot, qailotaguí ye napağaguetegá na cheqa'gué, saishet ra ndotec na ŷotağac ra qalca'ŷépí nam nquieğat'tepeguec na iatañé lamağasonağac taq ca'ağaguenağac ra cheoqta'gué. Nam cheqa'gué tağacó nachená ra qailağatec na no'onatağanağac ra išet aua'uo'ó ca maiche arcuen'natağá ra anaiguí ye ŷotağac taq ra etec ra souaq'ta'geuet yo'oqchiguí taq anmatağac ra mata'get na ar'ŷepí. Somayé Butler, ye chqa'gué taqaen iaqneq ye ŷotağac.

Qaipa'ğaneguet, mağasonağac taq na'atec qauemapi

*"Arroz con leche
me quiero casar
con una señorita
de San Nicolás*

*Que sepa coser
que sepa bordar
que sepa abrir la puerta
para ir a jugar"*

Canción popular

Som uañá ca cheğochigí ñeguiñé, nam qanachalatağac cheoq'to'ot ra qaipicten ra qaiapağaguen taq na onağaeqá cam sonaqt'a'a nache iachağan ra nachaqná ueta'á nache saishet ra qansoguiñé. Nam lalacó nogoshec, na loğot, taq nam la'ashağantecpi, ra taqaen qay'yağaná ra ueta'a ñe pağaguenağaqui, nam sonaqt'a'a nagui na qar'uó'pí taq na naguipí arleğaqui, ego' qoramcheguiñé netagui na qaipa'ğalec taq na na'aqtecpí qauem ra chaqa'gué.

Ram etapeguec ra nacheyé, taq ra nacheyé ra pağaguenağac ra icotapeguet ñe pağaguenağaqui taq ñe lauó'pi, saiatenaq taq hinqieğatepeguec ra etec na so'otaq taq semetenaq nam al'uá nache qaiqotağalec na llequiağac nÿot'ta'a cam etec na cheqa'gué. Nache etec ra qanauağayáğatiguisheguem ca yo'oqcheguí qotağac na alpi lvillağac saq'ena'am ra nateteguete na l'uarac'shağac, ua'a nache ena'am ca artağac taq ra am uenağaec nache am qai'oğoren ra nÿot'ta'a ra y'o'ot na onolec ialé, onolé aló taq LGBTI+.

Ram naloq nec binario hegemonico ra hiqolağachigui nam sonaqt'a'a enauaac na iallep'pí taq nam alpi nache qa'auo'ó na laleguepí naloq necpi, qaipağaneuec taq dicotómicas, ya'an lca'ayé ra qaipağaneguet na onoleta'a taq ra qai'o'ora'guet nam sheğauapí ra sanachoğot'tá na naloq nec. Napi qaipağaneguet nache ya'uó'ó na y'o'qcheguí tağacó qai'uat'ta'guet taq qanshetagá nam loğot'epi, nache y'o'qcheguí ua'guet ra saq'ena'a' napi laguipi qai'uota'a nam l'loq'ó ra mashe laguec taq ra coletapigui nam sonaqt'a'a'.

Nam na'aqteguecpi na cheqa'gué nachená na qai'uó'ó nqui'ipí, qaienağacheguípi natqaen na ncuen'natağá qanmatíñé ra qanasachegué na sonaqt'a'a ra mashe qaicotepegue'uá ra qanauağayáğasheguem na lo'go'yağac nam sheğauapi. Enapi uaqte'uá so lo'go'yağac ra qailemaqtalec nam qo'yetapeguec ra qanaloq nec taq ra nacheyé ra himmavec nam nachaqná etapeguec nam chalatağac.

Nam iallep'pí qanmağalec ra qaipağaneguet na hil'looguete nache qa'yo'ğoren cha'yé uaqteguete nam io'ot'tecpi taq ya'yamağateguete cam ua'gué ca taegué ra hil'laeque ca halom, raueğanáğalec. Nache ena'ac, ego' mashe iauo'ó ca ltağayáğac ua'auac, nam

ueta'a qoianesheguemeq taq ram napaquelepci nam la'ye'pi. Qalaq som la'ye'pi, nam alpipi taq na LGBTI+ nache qo'ye'ga ra pa'a'ya'guet nam na'ya'sheguem, naco'nae nam lauoche', na llaqta'gana'gac, pa'gaguenaga'gac taq na ntela'ga na ña'qpirolepci, nso'go'p'i taq na she'gaua uo'o na na rque'taga.

Qoietega nam iallep'pi ra	Qalaq nam alpipi ra
Aña'gaec	Sa'ra'ñe'
Etaga ra esa'	Lso'go'
Nlotec	Saq'qaiño'got
Lleta'gaec	Nmaya'gac
Opaec	Opaec
Sarapina'gan	Iqae
Sararena'gan	Rsot'ta
Ndotec	Nchet'tec

Qalaq nam LGBTI+ nam etecpi taq ra qaila'a nache uo'o nam na'aqtepci qai'yoqtelec nam nquie'ga taq saq'qanasheneguet, nache esa' ra saishet ra qaiavo'o nam nachalata'gac:

Qoieneq ra sa'no'on / saqnaiaten

Qaica ca lata'gac / nam lo'go'ya'gac qauem

Saishet ra uo'o cam lau'o' / saishet ra etec

lavoten nam ña'qpirolepci taq nam nso'go'p'i / qamachaqca' cam etec

Nam qaipa'ganeget nam:

- X Qaipataqteñé ndo'guet na tağacó taq na sonaqta'á
- X Hil'lolec nam nachaqná sheğauá
- X Na'ya'né' na ralağaec taq na'ymağateguet
- X Ta'ya'gué, laguecpi taq mashe naloteguet napi organización social, tağacó taq na yo'oqcheguí qai'uen ra esá cam ua'gué taq ca ñechiguiñá.



Napi qaipağalec taq na tağacó nam qaimetecpi sheğauapi, ra qay'uoteteguet nache qaiconeget, cam etapeguecpi nache qaimalec qaiasağalec enauacpi taq, nachecapi, cam etapeguecpi nataqaen ra yaconeget, nache nachaqná qando'guetpi nae'tağápi:

- X Ra amqilat'tañé taq saq'aqairen som sheğauapi ra saishet ra am yaşateguet so amqoianaguí.
- X Ñe ñegueuó amsaqanasheget na arsapachağá ra shetaeque auo'onatağan.
- X Na saqa'yağalec nache iauo'ó, egó', yaşaqtapeguec na heterosexualidad.
- X Na nco'ğoc egó' nvenağanağá.
- X Laloq nec na nqaegueuó na pağaguenagac manağanağá sexual taq nquictavec(reproductiva).
- X Vichiguiñá nam nquieğá
- X Nmitanağanağac nam no'ğoyagac ram cheğoq'ta'gué.
- X Qaipa'ğanauec nam Imayağac taq nam onatağanaqá' yaşoğat nam chqaegué.
- X Nquieğá taq nam na'aqteguec yaşoğat ra LGBTI+.

Nam qaisağalec taq na na'aqteguec ra qaiasağalec

Nam uetaiguí na na'aqteguec taq nam qaiachağatec nache ialecta'guet nam taq na na'aatañé yo'oqchiguí ená sonaq'ta'á cha'yé ialec'ta'guec nam cheqa'gué taq nam n̄ot'ta'a'. ¿Negue'? Enapí ra iasateguet ra iachağan taq iasheguem ra masheyé, nam sheğauá taq na yo'óq, ra mashe yatiguisheguem nam yo'oqtá ra pa'atesheguem taq ra qana'anñé na n̄ot'ta'a taq nam laguipí mashe nachağatec ra yot'tec.

Enapí nachená ra etapeguec nam qaŷamağalec taq nam na'aqtağanağac na cheqa'gué ra yo'óq ra qaŷauachiguí nam uachiguiñé na'aqtağanağac ra qalotá. ¿Ishet ra qaiuağañé cam etec namayé?

“Nam qancot'tapiguí na partido DD ra ŷaconeguet himmavec ra nataqaen hil'lo'guet cam nachauó cam laguí”

Cam etec am:

“Auiláq ra ŷauanaguí ra himmatsouá tres alpi taq soua dos científicos”

Cam etec am:

“Som alpi iaconeguet ram lo'onataganaâac ra ishet ra iachecayé ye na'a' qalaâayéhil'lotaéqué ra yo'oqchegué nate'é soâgorae”

Cam etec am:

“¿Somayé yâuotaéqué ra qoví so laué taq chaâaraelé! So concejal ra qai'uachiguí ra iacotaguí so l'uáq so l'yá aló”

Cam etec am:

“NÛALAQTOC: onolec som travesti ram yâlegoguí ñe legislatura provincial”

Cam etec am:

“Som qa'añé qailalec mashe qaica cha'yé so pé l'llá ta'uá so ponaâac nasoté ra saqaiashene'uá”

Cam etec am:

“Uo'opí nam hin'naŷauapí gays ra ishet ra him'itauan ra ño't'tá,
ŷa'ŷat so ctor”

Cam etec am:

“So paŷaguentaŷanaŷac nacola' ra paŷaguentaŷanaŷae: lauó' taq
som directivos quetrapegue'uá ra qaimetre'en ram
psicológicamente”

Cam etec am:

“SP ndotapeguet ra pataeguí som aislamiento ndoteguet so bata
taq qaicá ca nmaquillaje”

Cam etec am:

“So aló JP iera'ŷatoiguí nam redes ra ŷateñé so chectauó lamaŷasó
qaloc ¿Quéetc som hil'lotegué nam rtaqtec?”

Cam etec am:

“Haÿom saishet ra etec”

**“Haÿom saqaiet ra shenac ra
ÿaqaueuatectegá”**

“Saishet ra qomi’ qouemaeqá”

Secuen’nataġanáq ra cam etec ra salegueqta’aguet nam naguipí ra ishet ra ia’añaqchet cha’yé ra mashe rcuen’nataġan ra napaġaguená ra etec namayepí, nalotañé, cam etec ra loec taq ra io’ot cam lapaq’tañé nache nam ueta’á/sonaqta’á ra ;taq nam qaralamaġat qarlogoc! Nam qancotaiapigui ra nachená na ncuen’nataġá ra nam sheġauapí laguelec nam yo’oqchigui uapiguiñalopi na namaġasoġonaġac ram egó’ ra uo’ó cam auachegoqchigui cha’yé “esánqae” ra naÿamaġateguet namayepi. Qlaġayé ra “egó’ ra nasaġae ra etae’nqaen”, ¿egó nache etae’ naqaen ra etec?

Nam na’añagat’tec egó’ saishet ra onolec ra ÿaleca’guet nam nanomteguet ra sanalo’guet cam la’ñaġac ra egó’ nanomtapeguet ra shetaeque ra iañoġot, nache nataqaen nam ra egó’ uo’ó nam ndotapeguet ra ialecta’aguet nam na’añagac nache ra qanaÿamaġateguet na qanapaġaguená nam ueta’á nam ámbito público taq nam privado.

Na qanachalataġac nache jec ra qaimeten/qaimetetec cam uapegué. Nam yo’oqchigui, ra maiche an’nataġalá ra nache ishet ra qailaequé ca etec ra ñauat’tonaġá’ nache egó’ saishet ra shenaqa’á’, qauemaeqá taq auo’repeguec ca ar’ÿá.

Chaqnaãgac, naco'nae nam añãgac, ñõ'onnataãganaãgac, nca'aãgaguenãgac taq nven'nataãga qauem

"Ra nagui na Ita'araec nam sevenaq ra ueta'a na ptiarca, raishet ra naueguelá', nache etec qaiamaq; ra qaiamaqtn nam lapá na sheãgauapi, nam laiguiñe nam nachená nam sheãgauá, ra egó' naquisheguem pa'aguiñe ena'am somaye. Nache etec, nache esá, ra cheqñeguet nam la'añãgac".

Virginia Woolf (1929/2019)

Nam chaqnaãgac, egó' qanasaãgãyé qaãyauãgañé nache qaãyaã'neget na yo'oqcheguí nam ueta'á na n'uo' lme'naãganaãgac feminista, nache qaãyauo'ó som neré "Politica sexual" lo'onatec som paãgaguentaãganaãgae taq loquiaãgae Kate Millet (1970). Somayé, iereñé taq iaãgat nam chaqnaãgac nache:

- onolé lataãgac na organizaci3n social ra ãyauo'ó taq nalletañé ñe no'onatá nache egó' ãyachaqnem nam ãyallep'pí nache ianem n ara qaãyauo'ó taq qaiãue'lec saishet na alpipí.
- onolé n'uen'nataãgá, na no'onatá n'uen'nataãgá taq ra qaãya'amaqten ra nacheyé taq qanalletañé nam etec (Millet, 1970).

Ñe no'onatá chaqnaãgac saishet ra mashe na'anñé nache saqanaqat, taãya'gue ra qoianaguí som ví'í, ianec na uo'ó taq qanaralaãgat'taguet so laãyepí, qalaãyé nache etá'e ra jec'tá. Nam loquiaãgac feministas taq LGBTI+ nache ishet ra qanalaãga'ñé so qaiqolategá, qaãyaã'chet nam nam na'aqtecpi nache qanoctaiãpiguí cam etec na mashe lapaqteguiñé. Qalaãgayé, nache qaiãyamaãgatiguiñé ra him'ma'á nam sheãgauapí taq ra egó' ueta'á nam nchõyoyec taq na qanquieãgatepeguecpí lapá nam nataãgacpí taq luecpí ram him'mavec ra ñallaqtañé.

¿Qué'etec? Ená chaqnağaec ishet ram nquictauec nam la'aqtağanağac taq ra napağaguenagağac nam ueta'á nache enac:

* = X

- X Ená onolec ra onatá ra naloqñegué nam natağac, ncuen'natağá, nquieğá, ne'enaqtec, na'aqteguec taq na saqaishen yo'oqcheguí taq na masheyé.
- X Nam qaýa'anñé nache qanauaýağasheguem na saq'ena'a' taq ra qoýan nam mashe ueto'ot nam nchaqnağac nam iallep'pí nache pelec nam alpípí taq na LGBTI+ ram queto'ot na na lpie'ğá ncal'taec.
- X Qanochenağatec ra qaialecna'pí na lmağasonağac nam nauó'pí (tağaré/ñalec, namoğo'u enauequé) nache nağaiagağac enauac nam neta'á taq, nache qando'oguet, na llogueuó na enec.
- X Ýauo'ó nam loquiaqá' taq sairağan ra iapo'oguet nam na'aqtec l'llá no'oğoyagağac iaguec nache saishet ra qaialağaguet nam ýa'at'tañé natağac qailotaguí.
- X Nam alpípí taq nam LGBTI+ him'mavec ra qailotaguí ra nýot'ta'á na naiguí taq ra qai'ýalaqchet. Nache ená na laloq nec nam ra qaio'ot nam lshenecpí, nache saishet ra ne'ná qaýaýalaqchet nam lapá nam ndotapeguet nam alpí choğorá nam ýaqa'á nam cheqa'gué ra mashe uo'ó na lo'onatec ra nataqaen ra mashe profesional qalağayé cheqa'gué nam qapio'lec cam lmayağac; nache ram qailo'guen ra taigué ñe centro de salud nam aló ra ualağae qalaq nam saishet trans nache egó' qandota'guet.

Nam chaqnağaec nalletapiguiñé nam egó' mashe én ra qailotaguí ra nachená na ialé ra cheq'tot taq ra maiche nmatalé' ra chasotá ra hil'lotaque' na lma'. Nam al'ua' sonaqtá'á ra qailotaguí him'mavec ra nachená na iallep'pí, enea'am na laýa'nec, na organización nam sociedad, na onatec, som togoshec, ra etec, na qaýalağalec mashe nanet'tañé nache ram chegoq'chiguí nam lmanağanağa taq cam hiv'uetaequé na m nachalatağac enauac, nachaqná.

Ram qailoqnağaná, ra qaicuen'nata caq etec ra qai'uağayagağasheguem nam naýa'nec ená yo'oqcheguí medicina tradicional, amqaýa'loğonec nam etec na lapá qailalec ra talec nam yo'oqcheguí taq qaiaşağalec nam nam lo'oğoyagağac nam ialé (napi l'llimiağá nam nquiyaqté qailalec nachenatá ra naectqegué som iesá nache yo'oq nam lo'oc enauac nam iallep'pí). Qalaq nataqaen ishetra selaqaeque ca qarcuen'natağá nache

saishet ra nacheyé ra qailotaguí ye la'aqtec, nache cam ua'á nam iallep'pi maiche npa'alá' nam etec ra namatağalé' enauac ra nenauac nam sheğauapí ra egó', ra esá, nache lleguec ra nacheyé taq ra qailotaguí ra egó' saishet ra qailo'guet nam alpipí taq nam LGBTI+.

Yem nme'nağanağac ra nachená nam ialé, ra egó' latağac Ita'araec ra iapalağat nam alpipí taq nam LGBTI+ ra saishet qa'ya'ağat nam togoshet na'aqtağanağac, nache qaipa'ağateñé nam la'aqtecpí, nache egó' qaicá lapotec na etapeguec nache nam la'aqtecpí nache saqa'ya'ya'ya'. Nache ra rtaqtecpí ialaequé ca lleguec taq latağac nache naralağat'ta'aguet nache'etá'e, qailotaequé cam etec taq ca la'aqteguec lleguec ra hit'tauan ra nquictauec.

“Am s'aqtağanem ca etec”, etá'...

Nam nerec “Nam iallep'pí haiom ra'aqtağanem na nachaqnapí” (2015), so iereñé Rebecca Solnit na'ğa'ya'ğa'ne cam etec ca llec ra qai'ot cam etec nam ialé namatağalá' taq ra hi'ytot'tapegá na enauac alpi nache egó' ndotec nam iallep'pí ra nacheyé ra egó' onolec'nqaen ra ia'nağanağaec, taq na aló nache egó' nachená ra qaiapağaguen.



Rebeca Solnit

“Los hombres me explican cosas”, 2014.

“Nam iallep'pí haiom ra'aqtağanem na nachaqné, haiom taq nam alpipí, na'tağá ra sa'ya'yaten qalaq ca qana'tağatapiguí. Uo'ó na iallep'pi. Him'mavec nam alpi ya'yaten nam s'ağat'tec. Qalağayé ye opashağac ye egó' yo'ot ra qaiqola'ná, qalaq uo'ó ye na'a', som qamachaqcá ca aló cam ua'agué ca no'onağá; nachesó ra nalletañé som alpi'pí ya'uo'ó qoiqtegá ra saishet ra rtaqá taq ra rcuen'natağan taq ra saishet ra ra qana'ağayáná ra egó' rqui'gue'ua' ra nañoğotá ra io'ot; ra qaipağa'tañé ram egó' qai'uo'ó ntocheguiñé som alpipí qa'añepí saqaichağanpí, neche ena'am ra esó quetegé' som nqaec, ra etegá ra saishet ra ueta'á na al'ua'”.

¿Anañoğotá' som na'á' ra avo'ó cam ara'aqtec arcuen'natağá nache avi'itegá? ¿Vo'ó cam na'aqtec yapac ra qai'vo'ó? ¿Eta'á' nam him'mavec nam sonaqta'á?

Nam qa'ytot'tapegá nache egó' choché hi'uen na chaqnağaec. Egó' latağac ra enauac na'aqteguec taq nache qapal'teuá' na ncuen'natağá ra uo'ó cam hi'llá sheğauá Ita'á. taq

cam sheġauá ialé, taq ca lahipí saq'en, alpipí taq nam LGBTI+. Nache ram etec, himmavec nam alpipí taq na LGBTI+ enac, qou'oché nataqaen ra qacuen'nataġañé nache egó' saqai'uo'ó taq egó' saqpoc. Qalaġayé, Marlene Wayar (2018) yaġatchiguiñé nam uo'ó chaqnaġaec nhýá ra qoýatapigui ra qañi'yá cha'yé qoiaatagui ra chaqnaġaec. Na qanauaġaýaġasheguem nam naloq nec nache qaimata'á' yem etec: enauac ra qarmata'á' ra saishet ra qomi'qanasheneguet ra shenaqté'.

Enam ýauo'ó ýasheguem nam saq'en saqama'guet, ndenaqtaġanaġac, nachená nam chaqnaġaec, taq ra qanauaġaýaġasheguem da saq'en ra laguec nache ño'ogoren nauá dos nqolanaġá cheġoqtotpi: seqataqpec nam qomi'napaġatalec taq ra qanayectalec ra qarasogoshec nam shenaqtá. Qaýaloqnaġaná, uo'ó ra qanataġañá qanamaġalec nam alpipí taq na LGBTI+ ra ueto'ot qapio'lec ra noqla'anae ra iacolec ca lasataġac, ialegue'uá ca ntaġaýaġac política, ra paġaguentanaġae na'acheguiñi taq ra mashe uo'ó ca lo'onatec ra mashe nate'é. Enam na'aqtaġanaġac nache ena'am nam la'aqtecpi, cam taia'gué nam ltaġaýaġac, ra nýot'ta'guet na cheqa'gué na nataġacó taq ra napaġaguenaġac nache etáe'. Ra ue'em nam alpipí taq na LGBTI+, saqai'uo'ó enauac nache egó' soche qaiogotegá, saqaila'á nam l'uenanaġá taq so laýa'nec, qanmaġá ra eso enauac l'uenanaġá, ra egó' soche lapá nam yo'oqchigui nquieġá nloquiaġac.



Nam ýoqnañac ra na'aqteguac

Nam latañac nam ntañoñoñac taq ra aqteguac na tonañacpí, ncuen'nataña taq ca etec, ena'am onatañanañac ra qaýalañatec qaýagat'tá ra qana'aqtañané' nam l'ýepí, nam na'aqtaqá nache ena'am lleguac ra qaýe'enañat taq qaiñoñoren na na'aqtañanañac, ra egó saqay'uen taq saqay'chañan nam alpipí taq nam LGBTI+.

So filósofa taq intelectual Nancy Fraser (2011) nasolta'á ye "saqayamaqten saq'uo'ó so ncuen'nataña shet'tec ra nachená na alpi uetoiguí na la'aqteguac na ntañoñoñac nache egó saqay'uo'ó ca naiguí, nache egó soche qaiñoñoren carco'lec enauac na señoaupí ra qai'uen nache soche qoñanesheguem ena'am so aló ra uo'ó ca natalec qalaq nache qaýaloqnañaná ra ena'am ca ialé. ¿Enauam qomí' ra seutaq'ta'á nam al'uá ra himavec himata'a' nam neta'á?

Naguí, na qanqot'tatapiguí nam na'aqteguac ra mashe laguac nache mashe iagec. Nache saishet chapeguet ra egó saq'ena'am, nataqaen ra ra ena'am ra qaisateguet, egó eso na'aqteguac "togoshec lliquiañac so ialé" so "Som Ita'alpí ra na patria". Ñaq'etá ra qan'noña'guet taq qoramchequépí, nataqaen cam ua'gué taq na sonaqtá ra ialeguet na instituciones, nam sheñoaupí ra iot'tacpí taq ram rtaq'tecpí nam la'aqtaqá nache castellano enauac ra senatañanaqtec ra che'etó taq etec ca qaraqtec, cam ne'gue'cá ca qaialecnañanauó/qaiquelocauec taq ra laquió' ra qomí' chegoq'tot ra salegueq'tauó/qaiquelogore'.

Ram qaiotat'cheguiñé ra etec, ishet ra an'natañaná ye lleguac "[\(Re\) Nombrar. Guía para una comunicación con perspectiva de género](#)" na laponaguec Recursos para la Acción.

Na misoginia himmata'á' nam qaiasañalec nache nlletañé na chaqnañaec. Ram naiguí ra qanquiýa taq sai'uo'neguet nam iallep'pí ra taia'gué nam alpipí, latañacó ýe'enañat na aló taq himmavec enapí ra saishet ra ýa'ñat nam loñoñoñac uetot nam nca'aguenañac nam iallep'pí.

Nam nlletañé so na'aqtec misoginia enapí:

- Qaipet'tegá qaipa'ağatañé ra cheqa'gué: nam alpipí taq ra latağacpí ndogoshetec nam lo'oğôyağac ra ndamiağá, nsat'talec, sa'raañepí taq poctá nam la'añağac.
- Qaipet'tegá qaipa'ağatañé na Isoğoc: nam alpipí taq ra latağacpí ndogoshetec saishet ra nloqten ra lyağá, ra egó' nachağatecpí taq iauec nam iallep'pí ra qauem nam nqaec.
- Qaipet'tegá qaipa'ağatañé na lme'nağanağac: nam alpipí saishet ra ndouec na loec, saq'ena'ac taq ra napağagueneguec nache ta'ya'gué saq'pa'á ra nate'é taq nache hil'lapegué' (Bosch, Ferrer y gili, 1999).

Enam ncnun'natağá ena'am ra ioğosa'á taq egó' qoiq't'a souá na'ağa'té, ñaq qa'ya'amağatepiguiñé na pağaguenağac nam sonaqtá'á, taq ra qa'yoğoná saq'pa'á nache ia'añaqchet nam io't'tac saqalq'pí, ena'am ra qaypo'oguet ye llegeuó nam alpipí taq nam LGBTI+ nam yo'oqcheguí cam uañá, nache nalotegué cam ua'guepí, ena'am napí n'latağanağac, sheğauaaló taq nachená na qailat'tecpi.

Na qancota'ypiguí na na'ağa'té: na'aqteguec nam chaqnağaec

Eso 1405 so filósofa taq poeta **Christine de Pizan** (2001) yeñ'ñé "Ra lmayağac nam alpipí". So neyeguishec lme'nağanağac ra qanauağayağasheguem am n'yecpí lma' nam alpi ram cheqa'gué togoshelpí nam al'uá chá' loğot nam iallep'pí. Som nercpí, so chegoq'ot l'cuen'natağá ram n'yaot'ta'ápi ra egó' ram rtaqtecpeguec so togoshapec:

"Ahiom qainat'tec ra che'etó' cam etec cam ia'yatetec ra qa'yauec lapá nam iallep'pí, clérigos taq laicos, ram n'nogoshenec na alpipí, etegapí ra no'on na la'aqtecpí, ya'ya'amağa'chiguiñé na lerec taq npot'tegué'... Ra s'amaqtenaq' so cheq'to'otpí nam nerec, nam alpipí ena'am nam naco'ná ra nachená na uetañiguí so nsherec nache qanamata'ac taq tatec nam qauem".

Mary Wollstonecraft (2005) chasó so leriguishec taq l'cun'natağá británica qalağayé so ye'neñepí "Ye'eguellaqtağan nam enec na alpipí", qa'ya'amağa'ñé so 1792, nalletañé nam iallep'pí taq nam alpipí ranache etec himmavec ra eta'a'pí ra etec:

"Som ndotec ra etec ra qa'yaché nam alpipí ra npoğoiné nam lo'onatağanağacpi na yo'oqchguí nachená ra qo'yağanec himmavec na saqashenem nache qaishetem"

ra yalectapegue'uá nam enec ra saiýotec na ntenağanağá”.

Julieta Lanteri, tan'nağanağae taq uautequet na lletağac na Argentina, lcuen'natağa nam enecpí na político nam alpipí. Uoó son na'anñé ualec na nme'ná “Nuestra Causa” so 1919 so n'nateguec: “¿Cam etec nam haluecpi nam alpi ra iañoğotá nam nllletağac taq na yâyateteguet ra ro'ogóná nam nachená ra etec'rae?

“Na aló ro'onatağan ra egó' naloteguet taq qanaloqtetec na nsallağá taq ram Ita'araec ra yalemaqtalec nam etec ra laýepí ra enauequé namayé, nache ena'am ra naguí ra shetaequé ra etec nam enec sanachoğon'ná' nache netra'á' nache saishet qanalletañé qaýateñá nam Imá' nache egó' aló qanauec ra etapeguecpi, iasoğogát nam pa'at'teguet nalolağá taq nam nvenağanağá”.

Chimamanda Ngozi Adichie (2014) somayé chasó ra iereñé nigeriana ra, nataqaen ra yâyaten na nrec taq na na'aqteguec yereñé ie'eguen nache rcuen'natağanec ra nacheyé iapacteguec taq yâyamağat'tec ye feminismo. Nache “Todos deberíamos ser feministas” etá:

“Uoó nam sheğauapí rnatağan: ¿Che'etó' ra ro'ogóná na na'aqtec “feminista”? ¿Che'etó' ra yauo'ó ra etá' ndogoñé ra aua'maqten nam enecpí nataqaen he'nam? Qalağayé saishet ram ra nacheyé esá no'on. Nache yé yo'oqtá ra ialeguet nam enecpínam sheğauapí himmavec, qalaq ra auo'ğoná ye na'aqtec ra nacheyé enec nam sheğauapi” egó'sanasheguet nam qauem yo'oqcheguí taq na nyoqtec no'oğoyagac. Nachaná na yâpolec ra iectegá ra nachená nam alpipí ra egó' nachená ra qailota'á nache qaipa'ağanec”.

Lohana Berkins, nacha'lec travesti natağalá ra nacha'lec l'lueguelec nam enecpí LGBTI+, ialecta'uá nache yâtasheguem nchemağat nam saq'ena'a' ra saishet ra tachiguíñá nam enecpí ra uau'ñé na ntelağa na chalatağac, na pağaguenağac ta nam onatağanağac na travestis taq na trans. “Un itinerario político del travestismo” (2003), qaicuen'natağalec nam chaqnağaec taq nam mashe naýamağañé ra hip'pa'ağanaguet.:

“¿Cam etec ra am aló? Ená natağanağac nache egó saýaqa'gué ram nquictauec ra ishet qaiapi'ná ra

qa'ýo'ot, nache qomi'qaýauequet ra onaêaec. ¿Uo'ó cam naiguí nam aló? ¿Nam enauequé? ¿Nam loêoq'tel? ¿Nam lo'onataêanaêac ra nquigüec? ¿Nam taýa'gue na lo'êoýaêac? ¿Ra lataêac ra no'otaêac? ¿Himmavec ra nalotá'? Qalaêayé nache etec nam noêoq'tel ra qomi'ñiguiñé, na chaqnaêaec egó' iasat ra sauoq'ó cam etec ca qarataêac. Napí qorenaêat nache ishet ra ialé le'enaêat, nam qarataêac nache qaramchegué taq nsat'tum, qomi' nta'al ñapaêata'talec taq os'oêonaêá cam onaêaec ra egó' maêasonaêacpí. Enauacpí saishet ra qomi' nalletrañé ra shenaqtá ra egó' nache taia'gué saqaiqola'ná cha'yé nam sanaqtrañé qoroêo'té taq nam qaroêoýaêac.

Qalotá nam nachaqné ra io'ot nam sheêauá taq saishet ecó cheta'agué ra nachená nam loêo'té. Ra am qaiqola'ná ra am ueto'ot taq na arataêac egó' maiche oêot cha'yé anca'altaec qalaêayé nýoqta'á nam sonaqtá'á maiche ýauo'ó nam lo'oêoýaêac. Saishet ra nachená na noêot, nam na'amnaêat taq ra hipeleguelec naralaêatpí... qalaêayé etá' nam llec ra nanomteguet, ra ncuen'nataêá, ram salegue'ta'á' taq ra seuanaqchegué ca qamachaq'cá.

Nam shenaqtá, cam etec ra etec qalaêayé qarca'ate'uá taq ñauaêaýaêanaêasheguem, saishet ra onloec taq ra dos nam género ra n'naêata'aguet ye mashe yé chaqnaêaec. Nache qomi' alpi ra qarcuen'nataêá ram onolec ye qanayegué (ra saishet ra qomí' ialé') erá mashe am aló. Naiguí ra, ra mashe qomí' illep'pí nache etec ra mashe qamí' ialé', qalaêayé ra sa'anasheguet ra aq'chet nam lo'oêoýaêac nam ialé ra arqopiché auaconeguet, qarcuen'nataêá yem onolé ra ra nachená qalaq qaicá ca l'ýá: ram am aló nache am aló. Naguí sauoqtaequé ra saishet scuen'nataêaná' ra qolaêaýá' taq enac ra enauaqué. Qarcuen'nataêá ra nache etec ra qarqalaêauá nam qaroêoýaêac nam qomí' nete'tó taq ñauaêaýaêanaêasheguem nam qaroêaýaêac qaralamaêat, Nýoêosa'á, qaralamaêat".

N'ama'gata'gac taq nam nqolategá nam lo'ôgo'ya'gac

"Saishet ra haiom ialé. Saishet ra haiom aló. Saishet ra haiom heterosexual. Saishet ra haiom homosexual. Saishet ra nataqaen bisexual. Haiom hinotapeguet nam lapaqtañé sexo-género".

Paul Preciado (2019)

Ram seta'gasoqtegá nam le'ena'gat (heteronormatividad nache shenaqtegá nam dos ncuen'nata'ga sanauen sonaqtá'aguetsípí. Nam la'yé, na heterosexualidad nache egó' ta'ya'gué na lo'ôgo'ya'gac qaipa'agatañé taq, nam la'yé nam mashe nachat'tañé na sonaqtá'á taq saleqta'aguets nache ta'yá ca l'illá taq ra nacheye qoianaiguí na sonaqtá'á taq nam nata'gac ra ñaq quetá naguí: ra egó' esá qala'gayé saishet ra himmavec nam she'gauapí ra ueto'ot ra cam ta'ya'gué nam lo'ôgo'ya'gac (ra am heterosexual qala'gayé "nache etec", "qansa'á" taq "nache loec") taq ra mashe yaso'gat, ra qa'ya'yotegá taq qay'uateca'á ra egó' sanoelec, ra qo'yeta n'otec ialama'gatauec ra nache lata'gac n'ot'ta'á nam no'ôgo'ya'gac (cam etec ra ta'ya'gué cam aro'ôgo'ya'gac ra egó' anaman, ra egó' qauem nataqaen, nache ishet ra qanoqchenará taq ra egó' nchen'na'ganec).

Nam qola'gayeló nam lo'ôgo'ya'gac ra egó' na masheyé enauaqué naso'goreuó ya laca'ate'uá nache nache'yé ra quelec n'otec nache egó' nam she'gauapí qay'iotegá ra qailotaguí nam lo'ôgo'ya'gac nache qa'yanaguí som ñeguiñé ra cheta'agué ra ñeguiñé (aqla'gayé qo'yanaguí ram lo'ôgo'ya'gac nam lo'goqté); ra ialé, ra aló. N ara etec, nache cherá ra egó' "nache etec" nache qaicá etec ra qa'ya'yaten na etec na lo'ôgo'ya'gac re etec nam lo'ôgo'ya'gac, nache qaiotauá taq nmetelá' nache iaché na etec ca lca'ate'uá cam etapeguet nache'yé, ca etec ca lata'gac taq ra na'ateguets ra qai'uten taq ra qai'uata'aguets cam onolec taq ca laiepi.

Egó' ra, qalpa'gatañegué na she'gauá onolec na nachená na lo'ôgo'ya'gac ra cheta'agué ra ñeguiñé, nache egó' sanasheneguet nam l'illapí lata'gac ram nca'la'gá ra nachená na lata'gac. Nam lo'goqtél nachená ra iacho'got ra ialé taq ra aló, naceh erá ra egó' dosolqá ra qalca'ieló nacherá ra nqala'gá, taq cam l'illá nache maiche qo'yaqneq cam no'ôgo'ya'gac. He'nam, cam nacha'lec nam ue'é qola'gayeló nam lcuen'nata'gá, nache egó' nacheñetá lqopiché taq na lo'ôgo'ya'gac nam saishet ena'am: le'ena'gat heterosexualidad.

Sa'ala'gaec ram etecpi, na heteronormatividad egó' ishet ra jec nam saqa'yasateguet, ram saqai'la'á ra egó' qo'yo'got'tañé taq ra nquie'gá nam n'ot'ta'a lo'ôgo'ya'gac.

Nÿot'ta'a lo'ôgoÿaÿac ra egó' enauac. Nam taÿa'gué na lo'ôgoÿaÿac, lataÿac ra chegoq'ta'agué (Ley N° 26.743) taq nam na'aqteguec na enauac

Nÿot'ta'a lo'ôgoÿaÿac

Na nÿot'ta'a lo'ôgoÿaÿac iasheguem nam qalotá taq nÿot'ta'a nam lataÿac ra ananomteget nam nqalaÿá taq ra anshetegá-nmanaÿanaÿá nam lo'ôgoÿaÿac taq nache ahren cam l'llá sheÿauá. Nam etecpeguec ra analoqtenepec ra nachená nqopiche nache ue'guet ra taÿa'gué ra lo'ôgoÿaÿac, nache etec, ra nam nÿot'ta'a ra rtaqa ra cam etec ca hinsheqtaeque, cam etec ca ananomteguet taq ca taÿo'ot, taÿa'gué shenaqtapeguec.

Nam chego'toc ra so Yogyakarta³ iso'gué na taÿa'gué na lo'ôgoÿaÿac egó' "nam ÿaÿaten nam enauac nam sheÿauapí ra nanomteguet ra cheqo'ot ra lqopiché, ntelaÿá taq nam lo'ôgoÿaÿac nam sheÿauá ra mashe uo'ó cam laca'ate'uá lo'ôgoÿaÿac nÿoq'ta'a saishet am hena'am, taq cam laÿepí, nache hena'am ra naÿa'nec ra qanalletañé ra mashe uaqte'uá yo'oqcheguí taq ca lo'ôgoÿaÿac nam sheÿauapí" (Principios de Yogyakarta, 2007).

Qalshe'gué nam na'aÿa'té, na nÿot'ta'a lo'ôgoÿaÿac egó'nasoÿouó nam nÿot'ta'a ram qaiÿaÿaná: gay, lesbiana, bisexual, pansexual, demisexual, asexual, taq nam laiepi. Ená nam nÿot'ta'a nataÿac ra qaichaÿan nam enauac taÿa'gué lo'ôgoÿaÿac cam lcate'uá qalaÿayé uo'ó nam saq'ena'a nam sheÿauapí.

Nam nqopichaÿa ca saishet ra ena'am, anche nam alpípi taq nam iallep'pí nache cheqo'otot ra noqpichaÿac nam no'ôgoÿaÿac enauaque, egó', na nmanaÿanaÿá nam no'ôgoÿaÿac taq ra enauaque nauá sheÿauapí ram onolec nam lo'ôgoÿaÿac cam saishet ra ena'am.

Nam alpípi ra nanomteguet ra lqopiché nam lo'ôgoÿaÿac na ena'am maiche l'llá nache egó' cheqo'ot nanomteguet ra mashe lesbianas taq nam iallep'pí ra nataqaen ra uo'ó ca lqopiché na maiche l'llá nache gays. Nam sheÿauapí ra maiche nomteguet na lqopiche nache ueto'ot ra maiche ltaÿaÿaÿac nache ena'am na l'lla ra maiche nano'má ra bisexuales.

Cheta'gué, ra mashe qai'uat'ton nam taÿa'gué nam lo'ôgoÿaÿacpí, ena'am na pansexualidad ra naco'nae nam sheÿaua ra taqaen nanomteguet na maiche lqopichiÿá nam sheÿauapí ra egó' saÿaÿaten nam cheqa'gué na demisexualidad, cam ua'gué ca qaÿasaÿañá ra uaÿayá' ra nmatec qataq ra masheyé naco'nae na sheÿauapí ra nae'taÿá

³ Ua'auchgui so Yogyakarta ualec na aplicación de la Legislatura Internacional de Derechos Humanos nam naco'nae na Orientación Sexual taq na Identidad de Género (2007), Qaiauaÿanot. Namaye ua'auchguiñi qoianasheguemec na la'amaqtec na onolec seminario internacional qaiachaña ñe Universidad de Gadjan Mada (Yogyakarta, Indonesia) som noviembre de 2006, som laponá'pi iaÿatenpi nam enecpi cam cheqa'gue nam al'uá.

cam ta'ya'gué nam lqopicheyâgac na lo'ôgôyâgac, cam ua'gué ra naueguelá' na lo'ôgôyâgac taq ra namanot ca ta'ya'gué ca maiche l'llá, ra himmavec taq ra saqpcoc.

Qala'gayé, nam naloqna'gana'gac ra cheta'gue qanasa'gauéc saishet ra saqayâya'neguet na etec, qaramchegé taq ra saqanarala'gat cha'yé nam she'gauapí naloqtenpec nam lmana'gana'gá taq lqopiché ra qalota nam lata'gac, nalotañé ra n'ot'ta'a nam etec nam sonaqtá'a, nata'gacpí, qamachaqcá, pa'âyauéc taq pa'âyauó ra qanayeguelec nam qo'yoqolec nam chalata'gac.

Qa'ya'ateteguet nam n'ot'to'ot no'ôgôyâgac ra lata'gac lta'araec taq lactec, saishet ra "qanalota'gatiñé" nam etapeguec cheqtot ra egó' cam etec ra nache etec ra nache'yé qaiso'gué nam n'ot'ta'a lata'gac ra qanquiapí nache qomi'yashetá nam nqala'gá ra nquictauecn na qara'ya'nec tata'guet nam qararena'gá nam lo'ôgôyâgac ra qa'yashetec, ua'ga'ya'pí taq ra n'ot'ta'apí.



Onolec na enec togoshec

Na Eneq Rona'gac eta'a' (N° 26.618) choqta'gué ra loquia'gac nache qaivira'gué nam vi'ípi, nam lapaqtipuiguiñé taq nam nquico'gó ra n'ot'ta'a nam organizaciones. Pa'atec, so 2010 ñe Cámara de Diputadxs ñem Nación iasateguet nauá qalapa'gaguet enauaqué proyectos nam enec ra qanarala'gat ye Código Civil taq ra qanasheteguet nam ndona'gac ra ishet ra eta'a' nam uaroná eta'asoló she'gao.

- Artículo 2° - Sustituyese el artículo 172 del código Civil, nache'yé ra ualec nerek nache ra eta' qomé lata'gac:
- Artículo 172: Qala'gayé nache eta' ra qa'ya'uó' cam rona'gac laguelec taq rsouegué ram choqtot nam lta'ga'ya'gac ra enauaqué nalota'soló ua'ga'ya' nache qaiuachegue ñem qoianem ra hil'lote'gué nache qa'yo'gorenapec. Nam rona'gac qa'ia'uó' ca ena'am ra qa'ya'ga'ganaeque taq maleté, nataqaen ndogañé ra nam ua'ga'ya' ra eta'asoló taq ra saq'ena'a' nam lo'ôgôyâgac.

Nam qa'ya'cha'ganec ram qaiuat'ton saishet ra ndotec nam nrona'gac ra eta'asoló nam lo'ôgôyâgac, nataqaen ra yanec na l'llá ra ishet ra napa'ga'lec nache nam ua'ga'ya' uaroná' nache ishet uo'ó cam enec ra qaisheten, ra nquita'gana'gac nam lavó', no'onata'gañé, cam lo'gonec yo'oqcheguí taq cam obra social, taq ca l'llapí. Hena'am no'onañé qalapa'gañé ym rala'gaec Código Civil taq Comercial de la Nación:

"Qaicá cam laloqneq ra ishet ra nsochegueñé taq ra iamaqlec cam ta'ya'gué ra laloqneq, tachiguíñá, qai'yotega taq ra qanoqchenará' ra saishet ra eta'a' nam enec taq nam ma'gasoga'gac nam ialecta'guet na lavó' na ndona'gac, taq cam etapeguec ra nquie'gatec, che'nam ra mashe neta'solo ca enaueque cam sha'gual ra saq'ena'a' nam lo'ôgôyâgac".

Carlos Jáuregui y César Cigliutti


Ño'ogon'nağá

Carlos Jáuregui somayé nacha'lec nam LGBTI+ taq so uachiguiñé natağalá' nam Comunidad Homosexual Argentina (C.H.A.). Nam organización ñeguisheguem so 1984, som uachiguiñé nam tağayagac. Qayauagán qayaché nam uañá/ua'gué ra lqashe'gué ra qaipata'teñé nache egó' qanoluctagué' himmavec cam hit'tauana'uá som na'á ra himmavec. Ra etec, qalağayé uo'ó na lqui'ic ra egó' qomi' , qaioravec nam maiche qarmá', ra shetaq'uec nam qaro'ontec, ra nataqaen qomi' qaicoñé'pí, ra taqaen ra qomi' qaiquemaqchet taq ra qomi' qaqilauatpí. Nache napé ra nachaqná amayé. Nache iaconeguet nam etapeguet pa'at'taguet taq ra mashe uauñé natağalá' nam organización LGBTI+ nam Argentina, ra qomelé nache so nasoguiñé namağasonagac civivo militar" (Cigliutti en Telam, 2020) la'aqtağanağac so César Cigliutti som ualec som yo'oqcheguí n'nağauapí taq som enauac som n'naectegue'pí ra na'añağatecpí.

L'yatec, Carlos taq César na'añağata'pé ra iauo'ó som uacheguiñé Marcha del Orgullo en Argentina qaiachañá som 1992. Qayoğoná yem na'aqtec ño'ogon'nagá nache egó' nlovec nache qaitauan taq na'añağatpí. Som Cigliutti ra egó' yan napí na'aqteguet ra nachená nam qailotaequé qai'amnec namayé nyot'ta'a: nam ño'ogonağac nachená nam lo'nağac nam n'uenagánağá ra egó' nqo'tapeguévó ram egó' qaikmatelec ra masheyé ra homosexual" (Pecoraro – Ferraro, 2016).

Carlos qaicá so 1996 taq ra no'onatağañé ram Ita'araec lo'onatec, iachağan taq ra qai'uat'ton nam esá ueta'á taq ra saq'ena'a'pí cam lleguevó nam enec na LGBTI+.

Som 1996 César Cigliutti qalca'ate'uá ra qo'yanasheguem ra ratalec ñe C:H:A taq hi'viteguet som ra hil'leu so mashe hin'noğotec so agoste so 2020. Som Isatağac taq ra nluctalec ra hi've'lec taq ra qai'uat'ton namayé enec na LGBTI+ nache qai'uen qo'yanagui natağalá' nam enauac rluégelec nam enauac ram eta'a'pí.



Nata'gac ram nache'yé ra etec

Ram pa'aegué la'yé, na nata'gac ra nache etec nache, “nam nqala'gá pa'a'yávó na etec ra ena'am na onolecta'a nam she'gauá ra nanomteguet na pa'a'yávó, ram ishet ra qaicá ca etec qala'gayé ra nataqaen ra egó' lo'ogôyâgac ra mashe qoianaguí som ñeguiñé qaialecnávó nam nqala'a'gá pa'a'yot nam lo'oc (ra ecó' ialecnávó ra narala'gat nam egó' qai'e'na'gat taq ra etec na llec na lo'oc ra masheyé nqaren nam médicos, quirúrgicos taq nataqaen cam etec, nache'etae. ra egó' ena'am ra ndotec ra qalca'ate'uá) taq ra nam la'yepí na'aqta'gana'gac cam cheqa'gué, ialeguet nam lo'got, ra nache etec ram rtaqtec taq nam luecó”⁴.

Nam enec na lata'gac na laiepi N° 26743, qananerelec ená qarmá país som vi'í 2012 (uau'chiguiñé na sonaqt'a'a taq nachená uauchiguiñé nam sonaqt'a'a al'uá), qala'gayé ta'yá'gué nache'yé ra esá' ram egó' nache napi Principios de Yogyakarta⁵.

Ram nache'yé ra esá -taq yo'oqcheguí- ra nam nta'gá'yâgac ra cheqa'gué ra egó' qomi' senomaqteguet iasheté cam rala'gae'pí taq n'ot'ta'a ca ta'yá'gué ra cam nañá ca lata'gac, rsoteuec nam lo'ogôyâgac ra egó' qomi'hitauan ra qami'lcatae'uá nachená naguí nam laño'goqui nache machiguiñé na lo'goq'té.

Nam nata'gacó ra cheqa'gué nataqaen himmavec nquictavec. Yem naiguí ye “LGBTI+” choqtot ra qaiogóná ra egó' lata'gac ra nache qai'uat'ton ram enauac napi n'ot'ta'a lo'ogôyâgac taq nam cheqa'gué, nam onolecta'a nere'pí ra nachená lapte'gá nache lta'gauá ra egó' ta'yá'gué nam lo'ogôyâgac taq nam lata'gac na cheqa'gué : L (lesbianas), G (gays), B (bisexuales), T (trans), I (intersexuales), taq nam signo+ena'am na nache'etec ra qoienape'gá ra qauauat'toñé na rala'gae'c nata'gac taq nam no'gonec yo'oqcheguí enec ra uo'ó na qaimelec na n'ot'ta'a.

Qa'yâyateteguet taq qanayeguelec ra lta'araec ra saq'ena'apí na qoién'ñe na cheqa'gué taq nam lo'ogôyâgac ra egó' saishet ra nalo'cheguí ra pa'a'yávó na lo'goté qa'yâyateteguet ra egó' nachená na rosolqá na quetgué “ialé/aló” nache egó' che'yé. Cam l'llá na'aqtec, na lo'ogôyâgac na himmá na she'gauapí ra nache'ena'am lo'ogôyâgac qalaq n'ototec nache saishet ra naman nache ye nalape'guelá' ra nam iamaq'ten taq na ishetetec nata'gac'pí talec nam lo'ogôyâgac lo'oc ra egó' aló taq iallep'pí.

Ram nanomteguela nache hicuen'nata' ra egó' qaicá ca ue'é lo'ogôyâgac ra ta'yá'gué qaiño'got: ra nache etec na lo'ogôyâgac nam lo'oc taq nam iatañé lo'oc nache laguec taq cam cheqtot ca ta'yá'gué nache qaisateguet napi enec'pí taq rsoteuec'pí.

⁴ Principios Yogyakarta: Ua'au'chiguiñe so Yogyakarta ualec na Aplicación de la Legislatura Internacional de Derechos Humanos nam nacota'a taq na Oriental Sexual taq na Identidad de Género (2007), Ua'au'chiguiñé.

⁵ Ley N° 26.743 de Identidad de Género, artículo 2.

Nam sheġgauapí ra saishet ra iacone'úa na enauaqúe nachená na egó nchġotec ra namchaqa'gué saishet ra aló taq ialé, taq nataqaen ra naua la'aqtaqa egó' ndote' chaleguete ra ena'amápi.

Enam nagui, ra naigui queer ishet ra qaġaġa'neguet ra egó' nataġac ra cheqa'gué ra mashe aualectaugui, na saq'en l'llá, pa'ataigui nam enauac LGBTI+ ra egó' ialegue'úa nam nerek "Q". qalaġayé, taq ra ena'am qai'ġotaġat'chiguiñé ra qaġa'uaġan, na naigui queer nvire'úa ra qailaġat nam loqnaġanaġat ra uó'ó taq ra uó'ó, ra qaico'ġoġan nam cheqa'gué taq nam qai'ġot'tepegá no'ġoġaġac ra nataqaen ca cheqa'gué, qoġanem ra egó' al'úa na laié taia'gué ca ndogoñé lapaqtalec nam taia'gué na no'ġoġaġac taq nam nataġac ca cheqa'gué nache qai'uat'ton nam lataġac ra saqanoqchenaġatapec ra cam nañá cam lo'oc taq ca lataġac.

Pa'atec, qai'uat'ton nam ialé taq nam alpi cissexuales ra nachená nañá na cheqa'gué raq mashe qoianem ra cheta'gué ñeguiñé. Ra etapeguec namayé, ñem ua'autec "cis" naigui "nache'hena'am laġé".

Nam qaġa'an, nache no'on ra qaiquil'lec lapaqtalec ra egó' qaiqolategá ra qaġoġoná napi taġa'gurpi lo'ġoġaġac taq nam lataġacpi ra cheqa'gué. Ra no'on himmavec qalca'atagui egó' ġa'amaqten nam lataġac onoleta'a sheġgauá, ena'ac ra, ram nacheyé lataġac taq nache'etec cam neta'gué nam al'úa taq ra qaġalecta'guet, nam lataġacó ra cheqa'gué qaica' ca onolec taġa'gué na lo'ġoġaġac qoġanem cam etec ra etec taq ra masheyé.

Ram etec ra taigué, Judith Butler (2006) enac: "Nam lpataġanañé nauá nataġacó cam cheqa'gué taq ca taġa'gué nam lo'ġoġaġac ram malaqlec, cam etec ra no'on namayépi: saishet ra saġa'naq cam cheqo'tot ra ca cheqa'gué nam onolec sheġgauá ram que'etec nam lataġac taq ca cheqa'gué nataqaen ra cam apet'á, cam pa'atec nache cam taġa'gué (cam llegec) ramayé taq ñemayé ra uó'ó cam lapó' taq ra qailaequé ca lmanaġanaġaá".

Som mashe qanasaġauec, nam sonaqtá'a país mashe uó'ó yem enec na nataġac ra cheqa'gué ra mashe qoġanauó nam enec ra nachená na nataġac ra cheqa'gué ram qananomteguet, ra ishet ra qaitaġaġapigui cam etec ra nacheñé taq ra ishet ra qanasaġavecpi, taq qoġanasheguem cam etec ca na'amnaġat taq ca uauñé na'amnaġat ra maiche sauoqo'ó⁶.

Nam l'llá esá, nachená nam etec ra nluctapeguelec cha'yé maiche loġonec nam ámbito judicial taq nam médico namaġasonaġac ra ġashetá (eguetáe) ra naralaġat cam iereñé nam cheqa'gué cam le'enaġat: nache saqai'uen cam naloqnaġacpi nam hi'uen nam médica, psiquiátricas, taq nam ra qoieralec nam lasoġashet judiciales ram qaiache'úa qaġa'avaġan nam malaté ra uetalec nam lo'ġoġaġac nataġac lqui'í. Nam ra qaġo'ot ra qairo'úa ñe onataġanaġaqui'pi (registro de personas de cada jurisdicción) nam onolé qai'uen ra uó'ó cam io'ot ca rquiguiġaeque⁷.

⁶ *Íd.*, artículos 1 y 12.

⁷ *Íd.*, artículo 6.

Ram etec, rçat'chegue nam cheqa'gué nam nalolağá nache nam ishet ra am'qaituanec nam qailaeque ca etec ram amqai'peleguelec/qaýapiac taq amqanataren nam aroğoyâğac nache qante'lá nam aro'oc (nataqaen nam oğoté) taqaen na aratağac ra cheqa'gué ra ananomteguet, ra saishet ra auen ra iasat ñe judicial taq ñe onatağanağaqi⁸.

Enec nam natağac ra cheqa'gué

“Ñeroğoguet nam qarchoğoyec lapá nam saqai're'enaló nam mashe yaýamağá'ñé ra egó' qaila'ló ra trans, ndotec ra somayé... haiem no'onatağateguet nam leguiriñé sa'lağac esá' ra tatec nam na'ağat'té nam sonta'guetpi enam ra samatec, uetalec nam io'ocolec. Taq nam na'ağat'té nache so'onatağan son'onta'á nam qamachaqcá ra haiem onolec ra haiem na'ağat ra haiem qaisaqtalec ra ie-trans”.

Sosa Villada (en Bistagnino, 2018).

Erá ra la'aqtağanağac ra cheqa'gué nalotalec l'loğoc nam nachalatağac so ýereñé taq actriz Camila Sosa Villada.

¿Che'etó ra nacherá ra onolec ra ishet ra ia'añaqchet nam nquieğá taq uağanguec?

Nache yem Enec na Natağac ra cheqa'gé hinoğoneuó nacha'lec taq chegueqochiguiñá ye 2020, enac ñe Ministerio del Interior de la Nación, qalota som 9000 nam sheğauepí naralağat nam nmaleté (DNI) cam etec nam cheqa'gué ra nanomteguelá, nam lapa nam mashe 20 taq 30 años.

⁸ Íd., artículo 11.

Lohana Berkins

“Nam onolec sonaqtá’a al’uá ra ua’á nam qoché’ Isallaâpi, qalaâgayé auavo’ó cam ara’añaâgac nache egó’ am qotoâó”

“Haiem travesti, naetaâá ne ñemalaté (DNI) iachoâot ra haiem “aló”. Haiem Lohana Berkis: travesti. Nache qolaqtá ra ñashenaqteguet nam qoroâoq’té ra nachená na qomi’ iayé’ nam qarataâgac. Nam travestismo ialaâgachegué ne’ná egó’. Ishet ñauaâgaâganasheguem” (Berkins en Máscolo, 2018).

Eta’ýá’ ram qaâgaâaná ram loquiaâgae travesti Lohana Berkins, ia’añaqchet nam enec na alpipí taq nam LGBTI+ . Lañoqá’ yem Salta, qalaâgayé qaió’oravec yem Imá’ som 13 vi’í (años) uasuelec nam lataâgac ra naralaâgat ra cheaqa’gué. Noq’chenegué ram Buenos Aires taq noq’chenegoyguí nam organizaciones taq nam movimientos raq nauaâgaâgashheguem iavo’ó nam laÿepi nam Asociación de lucha (loquiaâgac) por la identidad Travesti yaq Transexual (A.L.I.T.T.) Som l’loquiaâgaquie taq lasataâgac nquigec. Ialacte’uá ra qanauaâgaâgashheguem nam Escuela Cooperativa Textil de Trabajo para Travestis taq Trans Nadia Echazú (nache qaicuen’nategue som nacha’lec nam Trans), somayé asesora so legislatura porteña le’enaâgat Diana Maffía, uo’taeque ra diputada nacional som 2001 nam Partido Comunista taq ra ueta’uá ram ua’autec nam Oficina de Justicia, Identidad de Género y Orientación Sexual del Observatorio de Género en la Justicia. Lohana qaicá so nachalataâgac so 2016 taq rquinaâgatec ñauo’ó som lerec ña’añaqchet nam himmavec:

“Qalotá nam qareveguet ra sonaqtáe’ná taq nam vi’pí. Naguí nachená nam na’âgaté ra ña’añaâgataq ra qolaqtá ra seloqiaqtec. Naguí nam na’âga’te nam nloquiaâgac, cha’yé ñem qoñetaâganaâgaquí saishet ra sevira’uá’ qaltaâgá. Haiom saqatchiguí ra nacheñé ra ñaÿochiguí ra naralaâgat nam laâgayec. Nam laâgayec ra egó’ qomi’ saqaishenemá ra sequieâga’teuá ra ñaralaâgataq nam sonaqtá’a al’uá. Himmavec napi n’uagañeshic taq ra haiom’ qaió’otan, saishet ra qaâaloqnaâganá nam nlaâgayec ra nam ahiem coletó’ot ená naguí. Furia Travesti Siempre”.



Amancay Diana Sacayán

“Qomi’ nalletrañé nam enecpi”

Amancay Diana Sacayán lañoqo’ ye Tucuman so 31 so diciembre vi’í 1975, mashe yé ra ralağaec nam vi’í, mashe qanasâgasheguem ra nayetavó nam ralağaec Nvireuó naectegué’ som Ita’á taq son lqaiyecpi qalota 15 ye la Matanza (provincia de Buenos Aires) somayé aló onolé. Nasheteguét nam lo’oğoyâgac ra travesti nam ñaq nsoq’lec taq ua’veguet nam lmenağac nam lo’oc. Nam saq’ena’pí, nam ncanagâcpí taq nam ra saqairen somayé l’llá nam n’nağaeuapí nache ianesheguem nam r’coyenağatağan taq ra qailaequé cam latağac nağamağañé ra na’añağat. Saqalshe’gué, nache ñauo’ó nam l’loquiağac nam sonaqta’á taq ialeca’aguet nam qanaralağat ñe Movimiento Antidiscriminación d Liberación (M: A: L.) lo’onağaqá ñe INADI, hit’tauan yem lapa’tañé SOY lo’oot ñem diario Página/12 taq ñem revista El Taje, nam ua’auchiguiñé qaiachağanelec lo’onatec nam sheğauapí Trans nam sonaqta’á Latinoamérica..

“Qomi’ ño’onatağañé nam sonaqta’á ra shenaqtepeguec nam himmavec taq shenaqtapeguec himavec ra nache etec ra nacheta’gue ra seuat’tonaq na enauaqué nam hena’am qomi’nalletañé ram nachalatağacó’ ra egó’ qaipataqteñé nache sonagasheguem nam nme’nağanağac ra qanayeguelec nam nagui sonoaqta’á, nache nam nme’nağanağac, nache qoğecnapecpi” (Sacayán en Lucio, 2018).

Diana som qaialaus so vi’í 2015. Som ralatağan amshe qaicoñé’ taq ñe justicia argentina ianagui ra homicidio nam onolé travesti ra egó’ iaguec ram qanquiá cha’yé uasoelec nam latağac cam cheqaegué. Nache etegá, ra cheta’gué ra ñe Poder Judicial ra iasağalec som qanmağalec ra nacheyé ye le’enağat: travesticidio. Qalağayé, som cheta’gué ra hin’noğoneuó so octubre so 2020, ñem Cámara Nacional de Casación Penal, qanapactepeguelec som nalateguec som Diana, iachoğot som naigui ra lqoñetağanağac qalağayé nqat som la’araec qaiasağalec ra nachesó som nqueiğá son natağac ra cheqa’gué. Namayé ra egó’ qağauo’ó nam injusticia taq nam nqueiğapí ra taqaen ra qaramchiguiñé ñem Poder Judicial nam sonaqta’á taq ra ia’añaqchet nam enecpi ra nataqaen ishet ra qai’ue’lec cam ua’gué ca uo’ó, nam na’âğat’é, taq nam nagui.



Som septiembre so 2020, qāyauoó som decreto N° 721/2020⁹, ñem Poder Ejecutivo Nacional ȳauó so ianec onatağanağac nam sheğauapí nam travestis trans nam Sector Público Nacional. Ram esá ra cheta'gué nam ra qāyo'ot nam Imá' uañá nam travesti trans nam sonaqtá'a país, nache ȳauoó ca qāya'nñé lamó ra qāyauoó cam enec cam ua'gué Imá' nam travesti trans nam Estado ra iataqtá esá cam taia'gué.

Cupo Laboral Travesti Trans

Som decreto ñe Poder Ejecutivo Nacional iavat'ton ta iachağan nam yo'oqchegue lashe nam saq'ena'á' ra egó' na'ağat nam lquieğá no'on nam travestis, transexuales taq nam transgéneros. Nam naloq nec egó' saishet ra nachenatá lleguevó nam iañoğot nam onatağanağac taq ra napağaguen, nataqaaen ra ianasheguem nam qanachectapae'gue'uapí, ra qanocta'yapiguí taq qanaloguelec nam nachaqná movimientos ra quetapeguelec nam eta'apí na enecpi:

- “Nam ta'ya'gué nam nqalağá nam sheğauapí travestis, transexuales taq nam transgénero uetapiguí nam natağacpi, saqai'utenpí cha'ayé nam l'uetaganağa nam mashe laguec naiamağatiguiñé ra uoó cam onolec la'yé nam sonaqtá'a taq nam instituciones”.
- “Nache egó' no'ón ra qaiectapec nam llağatağae nachat'tañe ye egó' saq'ena'á' ra ianasheguem nam qaipa'ağanauec nam sonaqtá'a nam egó' uoó nam hil'lotaegue nam nachalağac nam mashe iesá ra hivrá ye TREINTA Y CINCO (35) TAQ CUARENTA (40) nam vi'í nayet'tapeguecpi”.
- “Nam saq'ena'ápi esá' nam enecpi taq nam qaipetegá, nam saishet ra qanquiá, nam lo'onatac ȳayamaqtec taq hiv'ven taq ȳauoó, nam pağaguenagac, nam npağatalec nam sonaqtá'a, ram qai'uateca'á nam lo'oga'yagac, na saishet ra ȳachağan nam lo'oga'yagac taq rsoavec nam nven'natağá ra ȳayamağachiguñé ra napağat'talec nam política ra mashe yshet ra ialecnauó nam onatağanaqá”.

⁹ Yem provinciapi ye Chubut, Santa Fe, Río Negro, Chaco taq Buenos Aires mashe uoó yem enec ra taqaen ro'onatağan nam travesti trans ená ua'agué lo'onatağanağaqi qailota'a, cheyetá yem Buenos Aires taq Santa Fe ra mashe ua'veguet ra qai'ote' nam l'yamağatağac somayé 2019 taq 2020 nache ta'ya'ac'rá.

Onamec nam natagac

Qaq nam onatec, nam lalamaâgá, nam nerec, nam qaié'enaâgac nachená nam io'ot nam namaqtec, Qanauaâgâgâgâsheguem ra qaicoñereguet na cheqae'gué nam saq'ena'apí, enecpi taq ra enauacpi. Som la'aqtec so artista trans Susy Shokc: "Qaichoqtot so onatec nache qai'uo'ó' cam lleguec cam ua'gué ra ñesheguempi, nataqaen, nam pa'aâgâñé na qanoctaâgâpigué" (Shock en Luna, 2016).

"Yo, reivindico mi derecho a ser un monstruo
ni varón ni mujer
ni XXI ni H2o
yo monstruo de mi deseo
carne de cada una de mis pinceladas
lienzo azul de mi cuerpo
pintora de mi andar
no quiero más títulos que cargar
no quiero más cargos ni casilleros a donde encajar
ni el nombre justo que me reserve ninguna Ciencia
Yo mariposa ajena a la modernidad
a la posmodernidad
a la normalidad
Oblicua
Bizca
Silvestre
Artesanal
Poeta de la barbarie
con el humus de mi cantar
con el arco iris de mi cantar
con mi aleteo:
Reivindico: mi derecho a ser un monstruo
¡qué otros sean lo Normal!"¹⁰

¹⁰ Qaichoçotai'guí ye nerec na'aqtec "Yo monstruo mío", Susy Shock (2011).

“Haiem, sansheguem na ñe’enec ra she’enaâgat nam chaqaec
 nam ialé nam aló
 nam XXI nam H2o
 haiem chaqaec nam iamanaâanaâa
 nam lapat onolecta’a nam pinceladas
 lienzo malaâgaraec nam io’oc
 s’amnaâan nam sata’agué
 sañasheneguet nam títulos ra seÿoâoÿé
 sañasheneguet nam cargos taq nam casilleros ra ñalochegué
 nam ienaâgat ra esá ra seÿamaâgat’tec qaicá nam Ciencia
 Haiem qotoâo iaqa’á nam sonta’á modernidad
 taq namayé posmodernidad
 nam ÿaÿamaq’chiguiñé
 Namaq
 Qanam
 No’onaâa
 N’uaâgayé onatec
 Sheâauá dereâan nam lataâanaâac
 naeapegue’ nam io’onaâanaâac
 naeapegué’ nam moâgonaló nam io’onaâanaâac
 naeapegué’ nam hi’ua’ ra saÿó:
 Sanasheguem: maiche ñe’enec ra haiem chaqaec
 ;cam laiepi ra no’onaguec!”

Na’aqtaâaneguec nam cheqa’gué

Nam na’aqtaâaneguec cam cheqa’gué nachená na lataâacpi, nam etec, cam etec ra ña’aqtaâanaâa’ nam sonaqa’a ra egó’ nÿot’ta’a na cheqa’gué ra uo’ó’. Nam Enec na Lataâac nam cheqa’gué qaÿauo’ó yem articulo 2 ram nasaâasheguem nam cheqa’gué ra qailecnávó, yem egó’, na no’otaâac taq ra rtaqtec taq nam lataâacpi.

Ra secuen’naâá nam nataâacó cam cheqa’gué qai’uat’ton togoshec (ca iale taq cam aló) seme’naq nam na’aqteguecpi nam cheqa’gué nam qanacota’guetpi ra uo’ó nam namâasonaâac taq nam na’aqteguecpi s’aâgataqtec nam ua’auchiguiñé qaiotaegá: nam egó’ qaioloqnaâaná: iallep’pi ram no’ot nache ram lca’ate’uá nam loâot ra egó’ saishet ra nateneguet taq ra egó’ saqtaeguet nam Igó “aló”.

Nam laguí, nam alpípí ra, enauacpi, iağat nam cheqa'gué ra qanaloqten nam l'uağayé taq ra cam etec ra rtaqtectec ra egó' iachağan ra saishet qauemáe taq ra namatapeguelá, nacherá ra egó' ra coloetec nam la'aqtaqa hena'am na aló, taqaen cam ua'gué ra mashe iauaná nam neta'á lma', nache egó' qaramchegue taq, ialeguet, ra saq'ra'añalec.

Seshetaq ra secuen'natağaná ra cam etec ra noğotolé, noğotolec himmavec taq ra mashe nsoqoyé nam cheğó'tot na ýataqtá cheqa'gué napa'tañé taq na na'aqtaguec ra egó' soche qaicone'uá: noğotolec iapactegué' ra ioğoná nam loğot saqmalec "egó' noğotolé" taq ra noğotolelpi ra noqpiá ra ra'ashe queloctec taq nam l'llá na'ashağac nacota'áe nam na'añağac nam etec lo'oc.

Qanaloqchiguiñepí nau'pí nÿot'ta'aepí

Taýa'gué nam qarcuen'natağa nam natağacó ra cheqa'gué taq na taýa'gué nam lo'ogoyâğac ra ialeguevó nam al'uá ra nÿot'ta'ae, sasağasoğolec ra nca'at'tá la ncuen'natağá yo'oqtá ra mashe qanauağaýağasheguem ra naconá' na nauó': "na ýâyamaqchiguiñé nauó'" hanac ra uo'ó nam ialé taq na aló heterosexuales enauaque naigui nam mashe uaroná' taq ra mashe uo'ó ca taýa'gué io'oqcheguí, ñalqal ñeguirinié. Nache eta', nauó' mashe nalotá' cam lcaté' "x" nam llalaqpi ra mashe naýateta' ra le'enağat "familia nuclear".

Enam mashe naloguiñé nauó' nataqaen ra iasateguet nam lca'ate'uá nam cahqnağaec, uañá nache ñe ramağasoğon ra lauó'" nache ua'auchiguiñé ra lamağasonağac taq nam la'añağac taq nam laiepi enauac na ialegue'upi (l'uá taq llalaqpi) nache nataqaen ra iapa'ağatañé somayé.

Qalağayé, "ñem lauó'" nache egó' mashe iaýamağa'ñé ua'auchiguiñé ra lapatağana' nam sonaqtá'a taq nache mayağac, yapacauec nam lapağaguenagac nam sonaqtá'a, latağacpi, natamnağacó, iapataqtiguiñé nam lachoğoyec, qaq ra qananae'capegué' qapioq'lqal qaiaqnec nam sonaqtá'a taq nam natağacó nam ua'agué nam vi'í ta uañá.

Som ua'auñé, taq ra qaiachağanapec nam nÿot'ta'a ca lapotec ra uo'ó nam lauó', setağasoğopigue nam nau'pí, nam qalotá. Qaicá cam onolec natağacó ra nca'altaec nam qaratağac, nam qar'oğoyâğac, nam qar'oc taq saishet ra ecó' uo'ó nam onolec latağacó ra qalaponá' nam nauó', hena'am ra egó' seshetaq ra qaicoyeguen ra ená maiche qaraýa'nec yo'oqchegue taq ñampí sheğauapí qomi' neto'otó.

Ntogoshecpí, uo'ó sopi latağac nÿoqtec ram neta'apí, nquiguespi taq ra rco'oyá'pí. qalağayé ueta'apí nam saqalshe'egué nam loigué nam "ýâyamaqchiguiñé" taq qalotá ra, qoiogó'chesop nam ae'tepí nam sonaqtá'a.

Som ua'au nam vi'ipi, taq nam qaýauağañe nmalté nam naýa'nec son locaec taq lat'a nam sonaqtalec al'uá nam nacota'ae ram qaýauat'ton namayepi enecpi nam alpípí taq

nam LGBTI+, nam nquictauec taq na nanet'ta'uaá ram no'onatagañé ra qaýasateguet nam nauó' heteronormadas. Secuen'nataqaeque ram ue'é' camayé ena'amá.

Nache nam nauó' ra mashe neta'á' taq mashe nata'aguetpí ra mashe uarón ra nam nayot'ta'a nam taýa'gué nam lo'ogôyaâgac taq lataâgac ra cheqa'gué ialeguet nam llalaqpi, nauó' laiepi nataqaen ra mashe nayamaâgañé nauá lta'al taq llaiqal qalaâgayé qaica cam l'uaá, lauó' "neta'guet" cam n'ua' ue'él nam llaiqá ra mashe cheta'gue ra varoná' nache je'e' ram qanyet'asop (taq ra saishet netra'a), nam shegáuá cam neta'gue ra lamaâgaec qalaâgaye uóó nam lauó'pi laguec qalaâgaye saishet ra qanyeta'sop, ra nataqaen lapá nam qoýectegapí. Cam etec, ýaýamaqchiguiñé ra neta'apí, cam etec ra ca l'llá qaipé'etegá ra sa'la'aâgaec: shenaqtegá nam nauó'pi ra mashe neta'apí, nqaiancipi, ñaqtecpí,iale'gá'pí, taq qalot'a namayepí.

Namayé ra etec, çishet ra egó' nauó' ua'auñé nam n'uenagá, ntelaâgá taq ra qan'ualaâgaené nam laiepi nauó' nam shegáuapí ra ecó' qaica soche lauó' enauacpi.? Nam qan'naeâgauapí, cam qoiectagá nacherá, cam soche ialectauopí, çlataâgac ram nachená onolecta'a ra qomi' ra seýa'naq ra egó' qar'uó'.

Ra mashe himmé, sauoqtaeque s'âgataq nam lcaguiñé l'llá: nam nauó'pi nataqaen ra uóó' cam ua'gué ca qaiachña nam na'ashaâgac ra qan'ualaâgaené cam ntelaâgá. Som socióloga argentina Elizabeth Jelin (2010) enac:

Mashe qaýaýaten ra ñetalaqa'á nam qar'oc, psicológico taq social, nam shegáuá hiven ra ialeguevó nam redes sociales taq cam neta'a, redes uetapigui taq lleguec na nachená taq nam ra qai'ýoôgôýé nam naia'nec ra qaitauenec taq ra qairen ca taegué cam l'llá, redes nam ra nateteguet nam lataâgac taq na etec. [...] nam etapeguec ra ueta'guet nam lauó' nuguí ra qoiectegá na n'uenaganaâga ra qaiañaqchet ra qaitauan na cheta'gue vauó na qalotá cam l'má' nam sociabilidad nam nyot'ta'a namyé taq ca etec nam nauó', taq ra egó' nam organizaciones intermedias cam laiepi taq cam lapaâga'vapí, ra ianasheguem ra qaiuat'tonpí namyé taq ra ialectapeguevó ra nauoôqtec".

Qamachaqcá cam etec nam lataâgac nam lauó' ra cam laioqte', cam taia'gué ndo'guet ra qanalqnc nec taq nalotec nam qaiamaâgasoâgolec taq cam ntelaâgá cam etec'ýá' ca lataâgac nache egó' talec nam alpí taq nam LGBTI+, qaialecnauó nam ncun'nataâga na nauó' cam taia'gué ra l'loquiaâgac ca etec nam lauó' nache icheguet nam lavieâgasheté icotan taq cam lo'onatac ra lataâgac ca cheqa'gué na saq'ena'apí.

Nam pağaguenagac ca cheqa'gué, cam etec queer

Namayé onolecta'a nam qalca'ateuá qai'ot'tec nam naguí (taq nam qalotá) nache himata'guet napi qai'uat'ton ra egó' "Estudios de Género" (qanapağaguená) cheqa'gué ra le'enağat ra qay'yağaná: "Estudios de la Mujer" (Qanağaguená nam Aló). Sonaqta'a shenaqta'a ra egó' lleguec cheta'gué ra qanauağayagasheguem ra qai'uat'ton ra cheta'gué yo'oq nam al'úa sonaqta'a países europeos ua'uñepi taq ye Estados Unidos som togoshec víí 1960 taq 1970.

Som chegoqcheigui nache qa'ya'an ra nachená nam togosapac ra qaiogoren nam lapapi enecpí ra cheqa'gué agnda pública ueta'a nam lapat'tapigui nam latá' tomigui taq onolec et'tañegué so lleguec ra qailalec so enecpí civiles, nam n'uenaganağá, sonaqta'a taq nam natağacpí. Som le'enağat "generación del 60", ñesheguem ra egó' iasoğat ra tachiguiñá nam Segunda Guerra Mundial, na'agat nam sonaqta'a taq nam natağacó quietegá na añağac, nam instituciones, nam onaguec taq nam jerarquías, ñesheguempí na "liberación" hena'am na bandera. Nache qay'yağategue'úa ra tacheguiña ra qanapağalec nam colonial, nam nloquiağac ra qaipet'tegá taq nam yo'oqte'úa (status quo), nam natağac pa'aiavó iapataqteguiñé taq, qoianem nam alpi, na l'loquiağac nam añağac na sexista (Bellucci, 1992).

Som cheoq'chiguiñá nam pağaguenagac nam cheqa'gué saqpaegué somayé n'yağanağac "segunda ola del feminismo"¹¹ qonche naigui nam mashe na'amağañé som l'loquiağac ya'amağachiguiñé nam alpí ra iauotae' nam etapeguec ra nauağayagasheguem nam ralağaec natağac ra qaivo'ó nam política taq ra nalota' ra ñesheguempí taq ra rtaqapí enauapí ra rloqipí nam natağacó laiepi, nache naloté' ra qaialecnauó nam na'aqtepi na feministas nam academia taq nam pağaguenagacuipi.

Nam sonaqta'a, uo'ó nam referentes ra ñesheguempí ra nataqaen ra rtuanağan: Simone de Beauvoir yen'ñé "El segundo sexo", Kate Millet iachalec som ensayo "Política sexual" taq iarauó som ralağae taq npé'en ra egó' "pa'at'teguet ialé" taq ye "qaipa'agatañé nam no'ogoyağac"; Jean Scolt ianagui nam pağaguenagac ra naigui ye "cheqa'gué": ram qaia'ará nam qoianagui "nam personal es politico" ram qaialecnağanauó nam alpi na pa'ayavó pública, taq qalotá napí laiepi. Nachená nam cheqay'gui nam n'cuen'natağá ra rtuanağan ra no'onatac nam sonaqta'a taq na política ra uo'ó camaye taq ra ueto'ot- n'cuoğoc taq yağasoğoneguetpi, taq ra qoioqtec ra no'onağat nam nrec na tata'gué yaquia'gatec cam ta'ya'gué nam na'aga'té.

Som uau'pí, nam pağaguenagac nam cheqa'gué nache qanaso'lec nam constitución nam natağac qai'yt'apegá, nam qanauağayagasheguem nam na'aqtepi cam etec, ualec taq qoianem na alpí, (Bellucci, 1992). Nache, qanmitaeque ra qa'ya'anñé ra qaitağayapigui iatec nam etec taq ca naialec ra nachená na nyot'ta'a nam no'ogoyağac, namno'ogoyağac ra nachená na latağac nam politico, n'uenaganağá, nam sonaqta'a taq nam natağac, nam yo'oqchigui nam nyot'ta'apí na ca'ğagenağacpí na'at'tañé cha'yé so

¹¹ So ua'auchiguiñe ola nam feminismo uichiguiña nam pa'atec siglo XIX taq so laiñe nache na'añağat ra iavağan so enecpi qoianauó onolec nam iallep'pi, ra ishet ra pa'avó ena'am na alpi na pağaguenagac la'amaqchiguiñe nam pa'asheguem, na qanaueguév na lletağac, napi laiepi.

cheqa'gué taq nam qaiqolağachegué nam no'ogôyağac ye onatağac, nam tenatağanağaac na cheqa'sop taq yem "nacheyé yemayé" qaiqoñet'taguet nam no'ogôyağac ra qoianem ra ñeguiñé, lapá nam laiepi.

Nataqaen ra qoianagui ra qaiuağañé ra maiche anacolá' taq ra anaiatetec nam no'oc nam alpipi: nam nyot'ta'a ialeguet nam nmanağanağa taq ra nquigec taq naqa'ñé nam enecpi nam no'ogôyağac taq nam qanqueğateguecpi (Bellucci, 1992).

Som vi'ipi qoianec som ua'auchiguiñé noğonec nam yamağatağac nam pa'avec interncional: Naciones Unidas ya'agat 1979 som "Año Interncional de la Mujer" taq nasoğovó so Convenio Interncional para Eliminar himmavec nam latağac na Discriminación contra la Mujer (CEDAW). Mashe veinte vi'ipi somayé, na Organización de Estados Americanos nasoğovó ra qanaia'ñegué regional, na Convención Interamericana para prevenir, Sancionar y Erradicar nam Nqueğá ra qaitağaneguet nam Alpipi (Convención de Belém do Pará) taq so 1985 ra qaiogoren so IV Conferencia Mundial sobre la Mujer en Beijing, onolec som na'anñé qaicá ca cheqa'gué nam qammayağac internacional ra iauat'ton, ram cheta'agué, napí enecpi nam alpipi ra egó' enecpi nam sheğauapí.

Nam etec ra naloté, nam qaiot namayé no'oc ra nacheyé ra etec taq cam naiguipi, nacheyem ra egó' pa'ayavó ñe universitarios, nasheguem ca l'lapí qanayegelecpi ra onolec taq nacheyé ra n'cuen'natağá som "aló". Qalağayé nahe etec, yem le'erağa qaiuat'ton "femenismo negro", qaipatağalec qaicheğalec nam nquigecpi namayé qaivralec nagui taq ra qanaloqten namayepi qalca'ayepi uaqteguet na etecpi ra nachená, ram uetecgué' ra cheqavec, latağac, cam lañoqó', cam ta'ya'gue ca lo'ogôyağac, taq cam laiepi ca etec, ra ndo'oguet nam nachalatağac nam alpipi.

Eteçyá', chegeqo'ota cam nasatağac nam movimiento hegemónico femenis-ta lapağaic, saishet ra nqonağatapeguet qalağayé himmata'a nam ntağayagac enauaque ra uagayá'pi ra naco'onaé' nam nayá'hec, ra ndoqtetec na himmata'a' taq saishet ra himmavec. Pa'aigué nam femenismo lapaegac, iaconeguet qomé' ra hi'yó, uomñeguet nam femenismo negro, qaiamtec ye laiguiñé nam colonialidad (Jabardó Velasco, 2013).

Yem "femenismo de los márgenes" uoó so cheqaegué yem Estados Unidos taq iaconeguet nam la'ya'hec na alpipi afrodescendientes, qomle'ecpi, cheqavecpi taq nam laiepi qai'uat'ton ra saishet nachoğotpi ra somayepi nquictavecpi namayé ra nluegelecpi nam alpipi lapağaepi, coğorá', heterosexuales, nalotecpi taq na universitarias. La'ypí, ialeguet ra egó' qalca'aiepi namyepi ra na ncuen'natağa napi lesbianismo ialecapigué nam etec ra na'añağatpi qana'añağate'pi nam chaqnağaepi (Clarke, 1988).

Nam América del Sur, nam pağaguenagac na cheqa'gué ncalagatrec nam lañoqtec qapio'olec ra uapigui nam dictaduras cívico-militares raq qaipatağalec nam lapá na países latinoamericanos qaioguetpi soua 1960, 1970 taq so 1980. Nache ñé'guelağauó nam democracia, qalca'ateuapí nam cheqa'gue, nyeloğó/nqueğa taq

nam saq'ena'api ra ie'eguenapec nam alpípi nache egó' ñesheguempi ra qaicone'uá ra nacha'ñepi, qai'añaqchetpi nachenapi ra nquiguishguempi nam movimiento na alpípi ra nam neta'á.

Qailoqnağaná ra nachesopi nam organizacio, som vi'í 1981, so Primer Encuentro Femenista de America Latina y el Caribe nam Colombia ra ia'an nam cheğó'chiguiña som togoshec lliquiağac na feminismo latinoamericanos taq ia'nñé nam lavoqté ra nauana'pí ra ñesheguempi ra qai'o'otpi nam Argentina ye nacheye ye vi'í 1986 taq so 2020 nache laloqá' ye 35 vi'í nam togoshec.

Som ua'aupí vi'ípi, taq ra egó' qanqa'ñé nam ralağaecpi nam etecpi ra qanquieğatec nam na'ña'nec taq nam mashe qai'o'otpi, ra qai'yağaná "Qanapağaguená nam alpípi" qoieneq qanaralağatpi na qoianaguí nache qaialecnauó nam nme'nağanağac n̄yot'ta'apí taq ra qai'vita'guet na "qaiapo'uapí" ra qailotapeguet ra nachenapi feministas. Nachera ra etec, som ua'aupi togoshecpi so 80 nache lpachegué nam pağaguenagac ye ialep'pí, ram iavo'ó nam hil'lotaquí ra qanauağayagasheguem na le'enağat "masculinidad hegemonica" ¹².

Naguí, nam pağaguenagac nam cheqa'gué som naponagac nache eta era jec ra qanaralağat'ta'guet nache etae ra coletaepi ra qai'pet'tapiguí taq ra qanaralağat'taguetpi taq qanmitaeque ca latağac ra nam al'uá ra qaila'á.

Som laloqnağac lerecpi so Judith Butler, filósofa norteamericana ra ia'agatchiguiñé qalota ra ieguelağalec ra looraepi nam lerec, naigui ra egó' ncolesop ra ñegu'í ra nache etec qailağaguet. Somayé etegá ra n̄niquipi himmavecpi na naloqnağanağat ra egó' na'anñé nam n̄yot'ta'api feminismo nache etec ra ñeguiñé. Nache qai'a'mnec ra nachesó ianağanağasheguem ra qai'yağaná "pağaguenagac queer", onolec ca l'llá epistemológica ra qanauağayagasheguem nam ia'nağatağanağac nache qoainec ra qaiuatec taq qanquieğatec nam noe'lec nquitağac nam cheqa'gué.

Ñem "laiñegueshec" namayé pağaguenagacpi queer nquictavec som Butler nache qai'yağaná lañoğoshec nam na'aqteguet nam cheqa'gué. Nam etec, ra nacheyé himma'aguet cheqa'gue nam aló yaq na ialé nache qai'eguelağat'tec nache'etáe taq nalletañé nam na'agá'té nam qai'o'ot ra ueto'otpi ca lapoqot taq uelec nam lo'ocpí taq nam lapio'gó nam sheğauá. Ra añağac nam ncu'n'atağá nache na'anñé ra latağac l'llá' ra laponá'pí nam chaqa'gué ra egó' sanatena' nam na'aqteguet qai'eguelat'tañépi, qaicolec nam l'llapí natağac ra qoiañé nam natağac taq nam lo'ogoyagacpi nachená nam esá ra avit'taguet.

Etec so "Deshacer el género": "Som cheqa'gue ra egó' qoi'e'nec nam etec ra egó' nquiguet taq qoi'e'nae cam etecpi ra iallep'pi taq nam alpi'yağac, qalağayé

¹² Som etec Michael Kimmel, "nam naigui na qai'pata'tañé ra laguecpi nache nam iallep'pi ueto'ot nam la'añağac, onolec nam sheğaua ra uo'ot nam la'añağac taq onolec nam sheğauá nam a'añağac. Shenaqta'a nam iallep'pi ra ueto'ot nam añağac, iapac ra iachalec, ia'yaten, na'amaqchen nam taia'gue ra nllañe. Nam maiche lom ra naigui na laguecpi ra mashe etec laguecpi nataqaen na natağac qoi'oqtec nam la'añağac nache nami allep'pi ueto'ot lapağalec nal'llá, qataq nam iallep'pi ueto'ot ra uetalec nam alpípi". Nam "Homofobia, ñe'gá, ncoğó, ye'emaqtec taq na natağac iallep'pi" en Valdés taq Olavarria (Comp) 1997, pag. 51.

iaŷama'chiguiñe som aparato ra nache'etec ra so ntağaŷağac som nanet'tañé nache saq'enaepi. [...] qalaq som shenaqtegá so cheqa'gué ra ncot'tec taq qaçilotaquipi nam cheqa'gié taq ra qaialecnáe nam cheqa'guepi, cam etec ca chqa'guepi taq ca nateteguet ca cheqa'gué sonaqtá'a ra qolağagué ca chego'ta'gué cha' ueto'ot ca latağac ra coletac ra cam taia'gué ra egó' binario lqopiché" (Butler, 2006).

Nam laguí, som lo'onatec nataqaen naiguí onağaec ra nquictavec na pağaguenağac na trans ta na naguí qailalec na la'añağac ra nachesó ra qandotapeguet nam qalca'ataguipí na politica "aló" taq som "sheğauá ra feminismo".

Qaimeten na la'ae'té ralağaeqá: na nache'ena'am ra cheqa'gué taq nÿot'ta'ae

Nam eta'api nachená na qailotaguí, ca ua'agué cam etec ca nme'hağanağac taq seloqta'á sauoqo'ó taq etec ca l'llapí. Ram shenaqtegá eta'api na ceqa'gue ra setağasoqtec na uo'ó ca latağad ra sema'naq na nate'a' enauaqué nam sheğauapi ra nachağan ra ena'am nÿot'tapeguec ra cheqa'gué nache iaua'lec taq sa'yashen cam etec nam sonaqtá'a.

Nam na'ağa'yağacpi, pağaguenagac, na'aqteguec taq nataqaen ra shenaqtá sañashenağaguet taq qoianasheguem ra qaiagasonaguí cha'ye qananomteguet qaipotelec nam natağac ra, ena'am nagui selaqa'á nam saiaqa'gué, nache egó' qaica' ca luec, saq'ialeguet taq saq'ioqcha'ápi. Qaq cam etegá, nasağauec so saiatenaq ra senomaqteguet nam al'ua'. nache etec nam na'aqteguec ra qaiuat'ton egó' "n'ÿen ena'am so alolé taq ca ueta'gué na l'laq himmavec no'on sheğauá nache'etae ra uo'ó cam aló no'on", qaiogoren ra nache etec onağaec nasat'tec nam sonaqtá'a, cam ueto'ot ca quitağac ra io'ot ca qamchaq'cá nagui taq, cam etec, cam uet'ot cam añağac taq ca saishet.

Nam haluec nam cheqa'gué nachená qalca'ie ra qanaloqtenpi, egó' iau'e nam lae'té l'llá' ra naloqten ra egó' rconağanauó ra nacha'lecpí nam sonaqtá'a, nam ne'eneguec taq nam na'aqteguecpí ra nacona'pí nam laiepí. Ra nagui na'a', yem qailotaguí ÿavo'ó nam onatağanağacpi ra uo'ó cam qandotapeguet nam saq'ena'apí taq qanauağa'yağasheguem taq qaiot'tá nam na'aqtec ra qanasağauec nam lta'araec iamağatağac ra saq'ena'a.

Am'meten nam netraé' nam sonaqtá'a ue'éy nam lae'té l'llá ra iauaqtá'a:

- lauat'ton nam uaq'ta'a ra añağaec ra enauaque na cheqa'gueló.
- Qanaloqten ra cam etec ra naco'nae cam etec so ua'autá togoshec taq ra masheye nam sheğauapí.
- Qaimeten ra cam etec ca ndo'guet taq ra masheye ra qalapağaguet nam sonaqtá'a taq ra nate'nápí nam masheyé ueta'guetpi nam sonaqtá'a ra qalca'ayé, cam lauó, nañoğoc, cam ta'ya'gue nam lo'ogoyâğac, cam ia'amaqten, latağac nam cheqa'gué, cam l'llapí.

Nam laiepi nam cheqa'gue naloqtec ra iataqtégue ra, togoshecpi, nam alpípí taq nam LGBTI+ ra ueto'otna quitağac nÿot'ta'a ra hin'noğone'ua' na pağaguenagac, na justicia, nam chalatağac, na lecnağac nam política, taq onataec taq nam laiepí enecpi yo'oqchiguipi. Qalaq nagui, nam enecpi taq nam nanet'tañepi nerecpi nachat'tañepi, taq cam etec na net'a napí natae'napi, laiepi sonaqtá'a ra nachenapi ueta'a, nam lañoğocpi na ueteot ialega'pi nam laiepi cam etec, napi quitağanağacpi ra nquiguecpi ra hejecpi ra nÿot'ta'api nam neta'aguetpi lallep'pí.

Uo'ó cam auaqcheguí ra nataqaen ca ara'aqtec...

“Nam alpipí saisheteguet ra qaachalec”

“Am ma ra ammatapaec”

“Cam ua'gué uo'ó nam alpipí, uo'ó nam loquiaâac. Napí
iamataâañé nam loâoiqui”

“Choâorá', ramayé ra no'ona'guet na ñaqqiolecpi nam na'aâa'té”

“Nam iallep'pí nataqaen hiv'ven nam lvenaâanaâapi”

“Ramayé ro'onataâan enauac nam na'aâa'té taq ñemayé
no'onaguet ye Imá”

“¿Cam etec ca aro'onataâanaâac ra uo'ó nam armayaâac nam aya'alaqpi?”

“Qaicá cam rpe'etegá esá ram etec”

“Somaye saishet ra naiamaâat, saishet ra ño'oâon”

Nam nrec mashe ye, na qaieguelaâat'tecpi, na “etec'ya' ndouec” na'aâasotec nam na'aqtecpi taq na maâasonaâacpi. chegueâo'tec lataâac ra qaila'á taq qoietegá nam sheâgauapí. Namayé saqno'onañé ndotec nam na'aqtecpi taq na taâa'yaâacpi nache eta'aepí, ramn taigui nam ueta'a nam onataâac, nauo'pí, nataâacpi, paâaguenâaâaqui. Nam qomelé nacta, uo'ó nam iapac ra ia'añaâa'ñé nam ncuen'nataâa taq cam taia'gué.

Nam enecpi ra ena'api

Semitaqaique nauá qanapaâgaguenâgac ra ena'amtac nam cheqa'gue ra nache etec ra qoiaqchet ra qaÿaÿateteguet ra Ita'araec taq nÿot'ta'a nam sonaqt'a, nam ntaÿaÿagacó taq nam nvenaâganaâgapi. Seconaâgaguetpi, qaialoqnaâganâpi, na naleâgacui nam alpípi taq nam LGBTI+ nam ua'ague na politico. ¿Nache eta era nalletpi? ¿Cam etec ra pa'at'tá na qaivota'a nam nvillaâgac napi alpípi taq nam LGBTI+ nam nquictauec politico nam sonaqt'a? ¿Catá nam alpípi ra uo'ó nam qaiasaâgalec Sa'la'âgac auavat'ton?

Nam l'illa lataâc ra qai'o't nam política, ra ro'onataâgan, ra qanquieâgatec nam naia'nec taq qalotá nam qaialoqnaâganá, ueta'á na'ñaâgatec qaipot'tac nam nme'naâganaâgac nam iallep'pi. Nam na'âgá'té, taq achec nam nloquiaâgac na movimientos taq ra himma'a nam feministas, nache uo'ó nam ralaâgacpi. Dora Barrancos, socióloga taq nmitaâganaâgae, iasaâgáñá yem Enec nam cupo Femenino (sancionada en 1991) egó' ena'am so na'aqtecpi na qanauaâgâÿâgâsheguem nam enecpi na políticos nam alpípi:

“Nam qaiatapeguetpi ndotecpi naigui, nam laiepi qamachaqcá, nam ñe'eguelaâgasoâgoc nam feminista ra egó' ralaâgaecta'aguet yo'oqchegue ra nam naigui taq, nam laiepi enauac, nam nanet'tañé achec ra quietagá ra lapaâgavó ra egó' na Tercera Ola-movimiento ra ivitchiguiñé nam qanaralaâgat'ta'guet nam feminismo som vi'ípi 1960. Nam nÿot'ta'a naloguiñepí nam lo'oâgâgac nache qaimeten onolec ra egó' qaipeta'a nam chaqnaâgaec, qalaq ena'am ra na'aqtecpi qopalavó nam lataâgac nam qaitatalecpi ra nache ishet ra qanoqchenaâgat pae'guet ñe Estado nam Enec. Nache nam organizaciones halom na alpípi ra ianec smomaye ra iapolecpi so nataâgatañá som nquieâga nam lma'te, ioâgogué ndoÿa' nam militante nam partidos políticos ra egó'lapaâgaguiñepi ra naralaâgat'ta'guet nam etepeguetpi na la'ashaâgac la'ñaâgac lquicté'uá ram qai'uat'ton nacheyé, enec ra qanqa'ñé nam qaisaâgalec partidario taq nam ua'guepi nam nataâgala' nam so'ona'qá' parlamentarios. Qanaro'uopi nÿot'ta'a nam proyectos nam qaiectegá nam “himavec” alpíÿâgac nam enauaque nam Cámaras, so 1991, qallaâgá coletac cam taÿa'gué, som qaÿa'anñé so enec qalaq qanaralaâgat ra masheyé nam nalotá' nam naloq nec quete'guepi naloguiñé nam pa'agiñé nam qapio'lec na 30% talec nam alpípi, ñichiguiñá nam lma'pí qai'uat'ta'a, nache cam nquitaâgac ra ishet ra iegue'laâgâsheguem. Na Argentina qaia'an so ua'auchiguiñé país ra qaia'anñé na poctá ram ialegue'uá nam femenina”.

Dora Barrancos (2012)

Nam laiepi na cheqa'gué taq na n̄yot'ta'a nam nqaecó

Nam naiguipi taq ncuen'nataġapí qaiacheteot na cheqa'gué taq na n̄yot'ta'a nacona'pí ra napaġaguenpí, ra nam esá taq na movimientos ra rtaqapí quegué nam nqaecpí taq na laiepi pa'avó ra n̄yot'ta'aguet ra etec. Namayé etec nam ntaġaġaġac qaġaġaġamaġachiguiñé nam etec na ntaġaġaġac ra qanoctaġapiguí, nam ua'aguepí ra nveguez taq ra rtaġaġapega'pí nache qaia'añaqchet nam qoietapeguez nam sonaqtá'a taq na políticas. Nam qoiotegué nam cheqa'gué na lo'onatec taq nluectac, nam naponagac ra qaoio'ot himmavec nam nví'ípi ra qaiottec nam país, ñampí marcha del Orgullo, (Nam ñiquiaġac ño'ogonaġac", nam saq'yeemaqtá "Saishet ra qaicá n'ýapí" taq na Campaña Nacional por nam Enepci ra ana'agasoġoñé anqaitaualec, Esá taq Saishet ra qaiheten cam onolecta'a nache ena'am ne'ná.

Laiepi na cheqa'gué taq n̄yot'ta'a na enecpiolecpi

Yem Ene Micaela N° 27.499 na'anñé na qanapaġaguená qaimaġalec na cheqa'gué taq na nquieġa ra egó nachená na cheqa'gué ra himmavec nam sheġauapí ra nalemaqté' nam etec na publica, napí añaġacpí poderes Ejecutivo, Legislativo ta Judicial de la nación, himmavec nam laiepi taq nam qoiotchequemec. Nache qaia'anñé som nalota'piolec na Senado de la Nación ra nquetapegue'uá ra ianem napi namaġashec ñe Estado no'ogonaġatpí talec ra napaġa'lec taq ndenauo ra nache'eta' ra iapac ua'autec ra uo'o nam nquieġa nache nam qoietapeuec na cheqa'gué. Nataqaen, ra egó' nquitaġac ra qaiot'tá na lañaġashe nache qaimeten taq qoiatqec nam paġaguenagacpi, nam tata'gué nam políticas ñem Estado nache nam laiepi na cheqa'gue taq na n̄yot'ta'a, taq nam cheqa'gué nache egó' qalcaýé nache himmavec naloguiñé nam llegec ñe Estado. Ñe Ministerio de la Mujeres, Géneros y Diversidad de la Nación nache na acó' ra ialaġalec nam Ene Micaela.

Ñe Ley de Educación Sexual Integral (ESI) na'anñé na enec ra qaiconeguet na paġaguenagac nam lo'ogoyaġac ialecta'guet napi netañapi nam paġaguenagacqui nam himmavec, na lañoġoc na estatal taq nam privada ra enauacpí nam jurisdicciones nam sonaqtá'a país. Nam qai'uateca'a naiepi ialecta'apí ra nacheyé nam qanquiġat'tavec na uetañeguet taq na qaiot'tac ra qailecná' ra cinco nam lca'a na onatec: qairennam no'oc taq na chalataġac; qaiogoren na taia'gué qanayegué nam enecpí, qai'uateca'a nam n̄yot'ta'a taq qaiuat'ton nam laiepi nam cheqa'gue.

Namayepi taqaen ialaguevó na mashe qaia'ġattec nam nataġac taq ra cheqa'gué, Ronaġac eta'a, taq ca l'llapí ena'am na Ley de Paridad de Género en Ámbitos de Representación Política taq nam qalotapi na laiepi.

Nam laiepi na nÿot'ta'a

Etec ra ena'am ra at'taqá nam laiepi na cheqa'gué taq seia'naq ra nacheye no'on ra savoqóo nam qarae'te l'lla nache seme'naq nam sonaqtá'a esá taq ñaloqtenaq na nacota'a na sonaqtá'a ra queta na saq'ena'a taq na qoioqcheguemeq lapaqteñé qaisachegue nam qai'yotaegá lo'ogoyâğac-cheqa'gue nam enauaque nam sheğauapí, natqaen ñallaqtañé nam shenaqta ra qailotaguí enauaqé taq qoiaqneqpi: nam laiepi na nÿot'ta'a.

Enauaque na qaiogorettec nachená qai'añaqchet na naloqneq ra qai'eñağat, qan'ualağaeñé' taq qanaloqten na políticas. Ñem Esatado qoieneq ra qaiamağaleq, nache egó' qoianem ra npoğoené' nam etapegueq iaconeguet taq na na'at'tañé na sonaqtá'a, nache qai'an qaimitaegue ca latağac ndotec taq ca taia'aguet nam qai'uenpí, nquieğa saq'ena'a taq ra qanquiá nachattañe taq nam togoshec na qayâğasotepeguet LGBTI+ (MMGyD, 2020)¹³.

Cam etec taq ua'gué ra selaqa'a nam esá sonaqtá'a saishet qapio'lec namayé. Nache'etáe ra selaqlec naloguiñé na naota'ae ra nachená ra saqai'a'a, shenaqtá ra ñaloqtec nam sonaqtá'a. Etec so Donna Haraway: Napi: loquiağac ueto'ot ra nache esá ra qanasheteguet nam na'aqtağanağac ra naconápi nam al'uá ra egó' ualeq ra ena'am ra al'la'a (Haraway, 1991).

Eyé nache ca ua'gué ra so'otaq ñachatağañé ra s'arağañé na onatağanağac rae tae taq snmé' ra qaayeguelec na saq'ena'apí, qai'pa'ağanaueqpi, qanquiá taq nquieğatpi nache na qailaleqpi egó' chetaleqpi namayepí LGBTI+.

Nam qaiamağale ndo'oguet cam ua'gué ra qaimeten nam al'uá, cam etec, qaialecnauó namayé ñegueq taq nam latağac taiavec, na laiepi na nÿot'ta'a.

Blas Radi (2019), so rtaqá nache so chegueqchoguiñapí trans (ra ialeguet nam latağac ra nquiğtec na laia'nec nam feminismos) iaravó na lapaqtapiğuiñé ra nquieğateq na laia'nec "namayé", ra etec, qaiavo'ó na tağayâğac nam sheğauapí trans, nam laia'nec iauacheguí taq ia'uağañé, nache nam laia'nec na'at'tañé taqtá yâyatpenpi: "Ra iaconá nam la'aqtaqa ra laie nam sheğauapi trans nachená napi laloqneqpi nam pağaguenağaeqpi trans".

Nauat'tolá' nam laiepi ra nÿot'ta'a nache himmevó nam lavieğasheté togoshapeq nache qaitoğó ra egó' qalotapí na nqalağá taq ra ñe'eguelá nam qanayeleqpi nam yâ'nec ra qalotapí, sa'lağaec na sheğauapí.

Nam sheğauapí travestis trans nacha'lec, togoshapeq, namayé lapotegá nam sonaqtá'a ra chetaleqpi.

Nam qanauağayâğatesheguem na'aqtegueq taia'gué ra qanyeguelec himmavec travesti trans nam sonaqtá'a nache ra qanaloteguenepic cheta'gué taq nasheguem, ua'auñé,

¹³ Ministerio de las Mujeres, Géneros y Diversidad de la Nación, Plan Nacional de Acción contra las Violencias por Motivos de Género 2020-2022. Págs. 37-38.

nam nerecpí qaiasağasheguem qanaloqtiguiñé nam organizaciones na sonaqtá'a, nache napi qaýaýağaná ua'auchiguiñé. "Som Na'anñé ne'enağat qorom" (Coordinadorxs Lohana Berkins taq Josefina Fernandez; Ediciones Madres de Plaza de Mayo; 2006) taq "Cumbia,nýomağac ta nenağac" (Lohana Berkins; Ediciones Madres de Plaza de Mayo; 2007).

Nam laýé, nam natağanağac so qaió'ot nam municipio ñe Matanza (provincia de Buenos Aires) so ví'í 2012 som ueta'a ñe INDEC taq ñe INADI nache loğonec, namayepí laiepí nanet'tañepí, ra egó' salamae qalaq laiñegusec nam neta'a travesti trans ra ueto'ot nacheyé ye pa'asheguem nam napağaguenagac primario, ndotec ye 20% himmat ye nivel secundario, nam himmavecpí egó' 7% ra ýasateguet ra io'ot na nivel formativo superior taq ye 2% iasat ra etegá himmatec ye napağagueneguec univesitarios.

Nataqaen nanet'tañe ra nait'ta ye 20% ra saishet ra uó'ó cam io'ot'tac ra qaisheten, nache nam laloq nec sağanaqcá ro'onatağatec qalağayé rsotauec. Qalaýé laie, ye 80% nam sheğauapí travestis trans qaicá ca napağat'talec nam nachalatağac taq, ra laloq nec himmavec nam ndotapeguet, na qanquitegá na chalatağac ye 35 ví'í, ramayé laiñegueshec nam sonaqtá'a uasheguemec enauac 71 taq na 79 ví'ípí na nachalatağac.

Nache io'oqt'ta', nache, nam himmavec na traveesti trans qailotapigué taq choğorá' qaicá na enec nam sheğao' yo'oqcheguí (ena'am na chalatağac, pağaguenagac, onatağanağac, cam nma'té) nam laguelec na cheqa'guepí no'onec, nam ua'agué qalaqaec ra qaieguetec nam ueta'api nache saishet ra onağaec ra uo'opi.

Na no'oneguc na laiepi nam cheqa'gué taq na nyot'ta'a ena'am ye qailotagui iağasolec nampi políticas públicas. Qaimağalec nam Estado

Na qiaiecnagañauá' nam laiepi nam cheqa'gue taq nam nyot'ta'a nachená na qalapağñé na gobierno ra qaiá'auağañé ra egó' nacheyé ra etec nam io'ot taq napi políticas públicas nache qilaequé na ra eta'apí ra nacheetc taq na enec ra himmata'a himmavec. Nache etec na ñlatağac ra qoian nam qaytauanec ñem Estado namayé alpipi taq na LGBTI+ taq na qanauağağasheguem nam sonaqtá'a ra nache etec taq ialegue'ua', cam ua'gué ca lma' ra ishet maische nquiguc himmavec nam tağa'gué lapağañé nam nachalatağac nache rsovec.

Na República Argentina ueto'ot na qoioqtec lleguc nam yo'qchegue n'uat'toğonağac nam enecpí ra na alpipi taq na LGBTI+ taq na ua'va'gué ra nachená na institucionalidad nam cheqa'gue nam sonaqtá'a país. Nam Legislacion noğonec nam pa'atec vi'ipí, n'naectegué' qaiá'an ra ñeguc ra qanayeguelec nam ncuen'natağa na politica nache liepi nam Poder Ejecutivo nam himmavec na pa'atasheguem, egó' iachañá ñem Estado argentino ra nachená uichiguiñá na natağalá' nache qanqueğatecpí enauac nam ueta'a ra nacota'apí ra nacheyé qai'ot'tec cheqa'gué taq nyot'ta'a.

So 10 de diciembre de 2019, qaiavo'ó so ua'auñé Ministerio de la Mujeres, Géneros y Diversidad na cheqa'gue togoshec nam República Argentina iasağalec ra maiche io'ot poitica ra qanochenağasheguem napi políticas na cheqa'gué. Som ua'ava'gué ra qaiavo'ó ñe Gabinete de Transversalidad de las Políticas de Género nache nalotá' napi onolecta na nquí'í ra nalo'ot na naloqñec ra qoianasheguem qiaiecnavo taq ra qaiá'añaqchet na Institucionalidad Ita'araec, qaramtá taq ia'agasoğolec nam ntavanağanağac nam enecpí ra himmavec.

Qiaiecnavó nam maleté nrec na cheqa'gué taq na nyot'ta'a nam gobierno nache ialeguet napi qaiavo'ó na onolec organismo yağatenpí, ena'am na onolec ministerio. Napi políticas públicas hishet ra nacheyé, egó' etec, qaimañá ra qanachen'nec na área de gobierno, taq qiaiecná'api, ncuen'natağa ra nacheyé ia'agasoğolec, nache qailotagui ra qiaiqñec ye "ADN" napi instituciones taq qoiec'chegui ta himmavec ra rtauanağan na estatales ra io'otpi na qailotagui cheqa'gué taq nyot'ta'a.

Nam esá qoiecnapec qanauağağasheguem nam sonaqtá'a taq nam natağac taia'gué ra maýó na uetasheguem eta'apí taq na justicia nache nashe'lae naco'nae na laia'nec ñe Estado ra ialecnauó nam latağac ñe organización ra laie na cheqa'gue taq nyot'ta'ae. Nam naigui nanenñé na lueguelec na lme'naganağac ia'agasoğonec na namayé qailotagui, ra etec, qailecnavó nam eteam nam política pública taq na onoleta'a ialeguevó na estatal nache qanaloqten ra iachavec na ueto'ot napi lsatağac ra qano'chenará cam iauat'tavec ra saq'ena'a yem napi cheqa'guepí.

Himmavec nam nqaec ra qaiãasogolec taq taia'gué na nquigisheguem na nataãac ñe Estado ra naguí sonaqtá'a qolaqtalegué', taq nam movimientos feministas taq na n'ýt'ta'a qaãaãaten ra qaianñé taq qan'llañé na nanet'tañé maleté pública, nache egó' qaieguen ra ishet jecpí ra eta'apí taq nam enecpi ualec na io'qchegui nanet'talec taq qaramchegui qanauaãaãaãasheguem na Argentina ra shenaqtá, erapí naãa ra shenaqtapeguen nam sheãauapi ueto'otpi na ena'ampi quitaãacpi taq nameta'api enecpi.

Pa'atec na'aqtec

Qolaqte'gue' nam saqaloc qalaq qaramtá so qarquevoğoc nache so ua'auchiguiñé lleguec ra colesop na mashe nerecpi qalaq na cheqa'gué taq nam naiguipi pa'achiguiñe. Ra locaec nam nerecpi uetalec qalağayé shenaqta ra analoqten ra etec himmavec nam onatağanağat qaiven ra ishet qaiasaq nam nqui'ic ra uó'ó ca onole ra "esap" nam sonaqtá'a taq natağacpi raa egó' qomi' ýapağaguenpi nam saqta'ague ra seme'naq nam al'uá taq ra, saqal'she'gue so qalota samaye, nache qaiá'ará ena'am ra onolec ra ishet.

Anýotec, analağa'ñé na mashe netasheguem taq anasoğolá' cam lleguec na laiepi ra nacota'api nache etec'ýae nam ñe'eguetec ra ndotec ra nacheye ra qaishetamá ra s'ota' nam qarnatağanağac. Nam no'onatec nerecpi uetalec nam pa'atec ra qaýogichigui som n'natağanağac taq qaiýağanegue himmavec ra qanmitaeque na ralağaecpi latağac ra qaila'a nam al'uá, nam laiepi na'aetepi, qienec som locaec nerecpi, onolec ra qaishetá ra qailotagui nam l'láq ra egó' ueta'gue qoiot'ta'che nam qalota ra qaieguelağalaec qoiogó'ñé ra hive'lec nam onolec taq iasoğogat nam laiepi taq ra onolec ra etec ra ua'auta'gué ra sonaqtá'a país ra nachená esá nache ianagui nam etec.

Ra qaitağaýağan nam nerecpi nache, uetalec himmavec, na mağasoğoic ra ialectauó: cha'ye ñe Estado ueto'ot na lamağasonağac taq ia'amaqchet na enecpi na hmmavecpi ra nacheyé ra esá ianasheguem nam hivetaeque na chalatağac nam Argentina ram eta'apí hivetaeque nam lasatağac nam himmavecpi.

Nam qaichoğota'gue

Asociación de Mujeres Jueces de Argentina (2006). Manual del Taller “Derechos de la mujer, hacia un cambio de paradigma”, Buenos Aires.

Barrancos, Dora (2004). Sexto Desayuno: Identidad e Identidades. Buenos Aires, Instituto Hannah Arendt.

Barrancos, Dora (2012). “Reflexiones sobre la saga de los derechos políticos femeninos”, en: Estudios Sociales, revista universitaria semestral, año XXII, N° 43, Santa Fe, Argentina, Universidad Nacional del Litoral, segundo semestre.

Beauvoir, Simone de (2011). El segundo sexo. Buenos Aires, Editorial Debolsillo.

Berkins, Lohana (2003). “Un itinerario político del travestismo”. En Diana Maffía (compiladora). Sexualidades migrantes. Género y transgénero. Buenos Aires: Scarlett Press.

Bellucci, Mabel (1992). “De los estudios de la mujer a los estudios de género. Han recorrido un largo camino...”, en Fernández A. (Comp.), Las mujeres en la imaginación colectiva, Barcelona, Paidós.

Berkins, Lohana - Fernández, Josefina (coords.) (2005). La gesta del nombre propio. Informe sobre la situación de la comunidad travesti en la Argentina. Buenos Aires, Ed. Madres de Plaza de Mayo.

Berkins, Lohana (comp.) (2007). Cumbia, copeteo y lágrimas. Informe nacional sobre la situación de las travestis, transexuales y transgéneros. Buenos Aires, ALITT.

Bistagnino, Paula (12/01/2018) Camila Sosa Villada: “Ser trans ya es de por sí una forma de militancia”. Agencia Presentes.

Bosch, Esperanza - Ferrer, Victoria A. y Gili, Margarita (1999). Historia de la misoginia. Barcelona, Anthropos.

Butler, Judith (2006). Deshacer el género. Buenos Aires, Paidós.

Butler, Judith (2018). El género en disputa. Buenos Aires, Paidós.

Cabral, Mauro (2009). “Interdicciones. Escrituras de la intersexualidad en castellano”. Disponible en: <http://www.mulabilatino.org/Interdicciones2.pdf>

Cabral, Mauro - Maffía, Diana (2009). “Los sexos ¿son o se hacen?” en Maffía, Diana (comp.). Sexualidades migrantes. Género y transgénero. Buenos Aires: Librería de las mujeres. Disponible en: <https://programaddssrr.files.wordpress.com/2013/05/los-sexos-son-o-se-hacen.pdf>

Clarke, Cheryl (1988). "El lesbianismo: un acto de resistencia", en Moraga y Castillo (ed.). Esta puente, mi espalda. Voces de mujeres tercermundistas en los Estados Unidos. San Francisco:ISM Press.

Principios de Yogyakarta (2007). Principios sobre la aplicación de la legislación internacional de derechos humanos en relación con la orientación sexual y la identidad de género. Disponible en:<http://yogyakartaprinciples.org/principles-sp/about/>

De Pizan, Christine (2001). La ciudad de las damas. Madrid, Ediciones Siruela.

Dirección General de Cultura y Educación. Curso Equidad de Género y Escuelas Democratizadoras. Gobierno de la provincia de Buenos Aires.

Fabbri, Luciano (2013). Primera parte: Opresión de Género y Hegemonía Patriarcal "Apuntes sobre el feminismo y construcción de poder popular". Argentina, Puño y Letra Editorialismo de Base. Disponible en: <https://nucleodegenerounr.files.wordpress.com/2013/03/luciano-fabbri-apuntes-sobre-feminismos-y-construccic3b3n-de-poder-popular.pdf>

Faur, Eleonor (2008). Desafíos para la igualdad de género en la Argentina. Buenos Aires, Programa Naciones Unidas para el Desarrollo - PNUD.

Federman, Natalia [et.al.] (2014) Construyendo instituciones sensibles al género: fuerzas policiales y de seguridad. Ciudad Autónoma de Buenos Aires, Ministerio de Seguridad de la Nación.

Fraser, Nancy (2011). Dilemas de Justicia en el Siglo XXI. Género y globalización. Palma de Mallorca, Universitat de les Illes Balears.

Haraway, Donna (1991). Ciencia, cyborgs y mujeres. La reinención de la naturaleza. Madrid, Cátedra, Universitat de Valencia e Instituto de la Mujer.

ILANUD (2002). Programa Regional de Capacitación contra la Violencia Doméstica. Violencia de género, derechos humanos e intervención policial. San José, Costa Rica. Oficina del Alto Comisionado de Derechos Humanos para las Naciones Unidas 2002.

INDEC, INADI (2012). "Primera Encuesta sobre Población Trans 2012: Travestis, Transexuales, Transgénero y Hombres Trans. Informe Técnico de la Prueba Piloto", Municipio de la Matanza. Septiembre 2012.

INDEC (2020). Dossier estadístico en conmemoración del 109° Día Internacional de la Mujer.

Instituto Nacional de las Mujeres (2019). Primeros pasos. Inclusión del enfoque de género en educación inicial. Ministerio de Desarrollo Social. Uruguay.

Jelin, Elizabeth (2010). Pan y afectos. La transformación de las familias. Versión revisada y aumentada. Buenos Aires, Fondo de Cultura Económica.

Kimmel, Michael (1997). "Homofobia, temor, vergüenza y silencio en la identidad masculina" en Valdes y Olavarria (Comp), Masculinidades. Poder y Crisis, ISIS Internacional, Edición de Mujeres N 24, FLACSO-Chile.

Lucio, Mayra (03/05/2018). "Diana Sacayán, una vida enfrentando al odio". Que viva la patria.

Máscolo, Tomás (05/02/2018). "Yo soy Lohana Berkins, travesti": a dos años de la muerte de una mariposa. La Izquierda Diario.

Millet, Kate (1970). Política sexual. España, Ediciones Cátedra.

Ministerio de Economía (2020a). Las brechas de género en la Argentina Estado de situación y desafíos. Disponible en: https://www.argentina.gob.ar/sites/default/files/las_brechas_de_genero_en_la_argentina_0.pdf

Ministerio de Economía (2020b). Los cuidados, un sector económico estratégico. Medición del aporte del Trabajo doméstico y de cuidados no remunerado al Producto Interno Bruto. Disponible en: https://www.argentina.gob.ar/sites/default/files/los_cuidados_-_un_sector_economico_estrategico_0.pdf

Ministerio de las Mujeres, Géneros y Diversidad de la Nación (2020). Plan Nacional de Acción contra las Violencias por Motivos de Género 2020-2022. Disponible en: https://www.argentina.gob.ar/generos/plan_nacional_de_accion_contra_las_violencias_por_motivos_de_genero

Ministerio del Interior (2020). Observatorio Político Electoral. Participación política de las mujeres. Disponible en: <https://www.argentina.gob.ar/interior/observatorioelectoral/analisis/mujeres>

Ngozi Adichie, Chimamanda (2014). Todos deberíamos ser feministas. Barcelona, Literatura Random House.

ONU (1995). Informe de la Cuarta Conferencia Mundial sobre la Mujer. Disponible en: https://www.unwomen.org/-/media/headquarters/attachments/sections/csw/bpa_s_fi_nal_web.pdf?la=es&vs=755

Pecoraro, Gustavo; Ferraro, Maximiliano (2016). Acá estamos: Carlos Jáuregui, sexualidad y política en la Argentina. Buenos Aires, Legislatura de la Ciudad Autónoma de Buenos Aires.

Preciado, Paul (2019). Un departamento en Urano. España, editorial Anagrama.

Radi, Blas (2019). "Políticas del conocimiento: hacia una epistemología trans*". En López, Mariano: Los mil pequeños sexos. Intervenciones críticas sobre políticas de género y sexualidades. Sáenz Peña (Argentina): EDUNTREF.

Revista Nuestra Causa, N° 2, 10 de junio de 1919, págs. 28-30; en Edit Rosalía Gallo, Nuestra Causa, Revista mensual feminista 1919-1921, Buenos Aires, Instituto de Investigaciones Históricas Cruz del Sur, 2004.

Luna, Hugo (01/06/2016) Susy Shock: “Hay toda una generación que está poniendo su propia voz”. Riberas. Disponible en: <https://riberas.uner.edu.ar/susy-shock-hay-toda-una-generacion-que-esta-poniendo-su-propia-voz/>

Rubin, Gayle (1975). “The traffic in women: notes on the political economy of sex” en: Rayna R. Reiter (ed.). Toward an anthropology of women. Nueva York: Monthly Review Press.

Scott, Joan (2002). El género: una categoría útil para el análisis. *Op. Cit.* Revista Del Centro De Investigaciones Históricas, (14), 9-45. Disponible en: <https://revistas.upr.edu/index.php/opcit/article/view/16994>

Solnit, Rebecca (2015). Los hombres me explican cosas. España, Editorial Capitán Swing.


Subsecretaría de Género y Diversidad Sexual de la provincia de Buenos Aires (2019). Perspectiva de género y diversidad sexual en educación y derechos humanos. La Plata. Secretaría de Derechos Humanos de la provincia de Buenos Aires.

Susy Shock (2011). “Yo, monstruo mío”. Poemario Trans Pirado. Buenos Aires, Ediciones Nuevos Tiempos.

TÉLAM (19/08/2020). El orgullo por la diversidad sexual como respuesta política, uno de los legados de Carlos Jáuregui.

Wollstonecraft, Mary (2005). Vindicación de los derechos de la mujer. España, Editorial ISTMO.

Woolf, Virginia (2019). Un cuarto propio. Buenos Aires, Editorial Booket.



Traducción realizada por el Centro Universitario de Idiomas de la FAUBA.

Lo'onatac na na'aqteguac na Centro Universitario de idiomas cheqa'ua ñe FAUBA.

Edit.
mingeneros

COLECCIÓN
XYZ

editorial@mingeneros.gob.ar

Direcciones

Balcarce 186, 6° piso,
C1064AAD

Av. Paseo Colón 275, 5° piso
(mesa de entrada),
C1063ACC

Teléfono

+54 943429010 / 7079
(Recepción Paseo Colón)

Entre Ríos 181, 9° piso,
C1079ABB.

Cochabamba 54,
C1064ACA.

MinGenerosAR   

**primero
la gente**



Ministerio de las Mujeres,
Géneros y Diversidad
Argentina

ISBN 978-987-47999-2-0



9 789874 799920